

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

বুধবার, মার্চ, ১৮, ১৯৮৭

৫ম খণ্ড—বাংলাদেশ জাতীয় সংসদের এ্যাক্ট, বিল ইত্যাদি।

বাংলাদেশ জাতীয় সংসদ

ঢাকা, ১৮ই মার্চ, ১৯৮৭

নিম্নলিখিত বিলটি ১৮ই মার্চ, ১৯৮৭ তারিখে জাতীয় সংসদে উত্থাপিত হইয়াছে :—

বা. জা. স. বিল নং ২০/১৯৮৭

সিলেট শাহজালাল বিজ্ঞান ও প্রযুক্তি বিশ্ববিদ্যালয় স্থাপনকল্পে আনীত বিল
যেহেতু উচ্চশিক্ষা ও গবেষণার জন্য, বিশেষ করিয়া বিজ্ঞান ও প্রযুক্তির ক্ষেত্রে
উচ্চশিক্ষা ও গবেষণার জন্য, সুযোগ-সুবিধার ব্যবস্থাকল্পে সিলেটে শাহজালাল বিজ্ঞান
ও প্রযুক্তি বিশ্ববিদ্যালয় স্থাপন করা সমীচীন ও প্রয়োজনীয় ;

সেহেতু এতদ্বারা নিম্নরূপ আইন করা হইল :—

১। সংক্ষিপ্ত শিরোনামা ও শ্রেণীভুক্তি।— (১) এই আইন ১৯৮৭ সালের
শাহজালাল বিজ্ঞান ও প্রযুক্তি বিশ্ববিদ্যালয় আইন নামে অভিহিত হইবে।

(২) ইহা ১৯৮৬ সালের ২৫শে আগস্ট তারিখ হইতে কার্যকর হইয়াছে বলিয়া
গণ্য হইবে।

২। সংজ্ঞা :— বিষয় বা প্রসংগের পরিগন্য কখন কিছু না থাকিলে, এই আইন
এবং তদাধীনে প্রণীত সকল সংবিধিতে—

(ক) “অধিভুক্ত মহাবিদ্যালয়” অর্থ এই আইন, সংবিধি এবং বিশ্ববিদ্যালয়
অধ্যাদেশের বিধান অনুযায়ী বিশ্ববিদ্যালয় কর্তৃক স্বীকৃত এবং অধিভুক্ত
কোন শিক্ষা প্রতিষ্ঠান ;

(খ) “অঙ্গ-মহাবিদ্যালয়” অর্থ বিশ্ববিদ্যালয় কর্তৃক অঙ্গ মহাবিদ্যালয় হিসাবে
স্বীকৃত কোন মহাবিদ্যালয় ;

(১৪৫৫)

মূল্য : টাকা ২'৪০

- (গ) “অধ্যক্ষ” অর্থ কোন মহাবিদ্যালয়ের প্রধান ;
- (ঘ) “ইনস্টিটিউট” অর্থ বিশ্ববিদ্যালয় কর্তৃক ইনস্টিটিউট হিসাবে স্বীকৃত কোন ইনস্টিটিউট ;
- (ঙ) “একাডেমিক কাউন্সিল” অর্থ বিশ্ববিদ্যালয়ের একাডেমিক কাউন্সিল ;
- (চ) “ওয়ার্ডেন” অর্থ কোন হোস্টেলের প্রধান ;
- (ছ) “কর্তৃপক্ষ” অর্থ এই আইনে উল্লেখিত বিশ্ববিদ্যালয় কর্তৃপক্ষ ;
- (জ) “মঞ্জুরী কমিশন আদেশ” অর্থ ১৯৭৩ সালের বাংলাদেশ বিশ্ববিদ্যালয় মঞ্জুরী কমিশন আদেশ (১৯৭৩ সালের রাষ্ট্রপতির আদেশ নং ১০) ;
- (ঝ) “মঞ্জুরী কমিশন” অর্থ বাংলাদেশ বিশ্ববিদ্যালয় মঞ্জুরী কমিশন ;
- (ঞ) “নির্ধারিত” অর্থ সংবিধি, বিশ্ববিদ্যালয় অধ্যাদেশ ও প্রবিধান দ্বারা নির্ধারিত
- (ট) “প্রভোস্ট” অর্থ কোন হলের প্রধান ;
- (ঠ) “বিশ্ববিদ্যালয়” অর্থ আইন মোতাবেক স্থাপিত শাহজালাল বিজ্ঞান ও প্রযুক্তি বিশ্ববিদ্যালয় ;
- (ড) “বৎসর” অর্থ ১লা জুলাই হইতে আরম্ভকৃত কোন শিক্ষা-বৎসর ;
- (ঢ) “রেজিস্ট্রিভুক্ত প্রাজুয়েট” অর্থ এই আইনের বিধানানুযায়ী রেজিস্ট্রিভুক্ত প্রাজুয়েট ;
- (ণ) “রহতর সিনেট” অর্থ সিনেট, সুনামগঞ্জ, মৌলভীবাজার ও হবিগঞ্জ জেলার অন্তর্গত এলাকাসমূহ ;
- (ত) “শিক্ষক” অর্থ বিশ্ববিদ্যালয়ের অধ্যাপক, সহযোগী অধ্যাপক, সহকারী অধ্যাপক বা প্রভাসক এবং বিশ্ববিদ্যালয় কর্তৃক শিক্ষক হিসাবে স্বীকৃত অন্য কোন ব্যক্তি ;
- (থ) “সিনেট” অর্থ বিশ্ববিদ্যালয়ের সিনেট ;
- (দ) “সিণ্ডিকেট” অর্থ বিশ্ববিদ্যালয় সিণ্ডিকেট ;
- (ধ) “সংবিধি”, “বিশ্ববিদ্যালয় অধ্যাদেশ” ও “প্রবিধান” অর্থ যথাক্রমে আপাততঃ বলবৎ বিশ্ববিদ্যালয় সংক্রান্ত সংবিধি, অধ্যাদেশ ও প্রবিধান ;
- (ন) “স্কুল অব স্টাডিজ” অর্থ বিশ্ববিদ্যালয়ের কোন স্কুল অব স্টাডিজ ;
- (প) “হল” অর্থ বিশ্ববিদ্যালয়ের ছাত্রদের সংঘবদ্ধ জীবন এবং সহ-শিক্ষাক্রমিক শিক্ষাদানের জন্য বিশ্ববিদ্যালয়ের ব্যবস্থা ও রক্ষণাবেক্ষণাধীন ছাত্রাবাস ;
- (ফ) “হোস্টেল” অর্থ বিশ্ববিদ্যালয়ের ছাত্রদের জন্য বিশ্ববিদ্যালয় ব্যতীত অন্য কাহারো দ্বারা পরিচালিত কিন্তু এই আইন অনুসারে বিশ্ববিদ্যালয় কর্তৃক অধিভুক্ত এবং লাইসেন্স প্রদত্ত ছাত্রাবাস ।

৩। বিশ্ববিদ্যালয় :— (১) এই আইনের বিধান অনুসারে সিনেটে শাহজালাল বিজ্ঞান ও প্রযুক্তি বিশ্ববিদ্যালয় নামে একটি বিশ্ববিদ্যালয় স্থাপিত হইবে ।

(২) বিশ্ববিদ্যালয়ের প্রথম চ্যান্সেলর ও প্রথম ভাইস-চ্যান্সেলর এবং সিনেট, সিণ্ডিকেট এবং একাডেমিক কাউন্সিলের প্রথম সদস্যগণ এবং ইহার পর যে সকল ব্যক্তি অনুরূপ কর্মকর্তা বা সদস্য হইবেন, তাহারা যতদিন অনুরূপ পদে অধিষ্ঠিত থাকিবেন কিংবা অনুরূপ সদস্য থাকিবেন ততদিন, তাহাদের লইয়া শাহজালাল বিজ্ঞান ও প্রযুক্তি বিশ্ববিদ্যালয় নামে একটি সংবিধিবদ্ধ সংস্থা গঠিত হইবে ।

(৩) বিশ্ববিদ্যালয়ের স্থায়ী ধারাবাহিকতা এবং একটি সাধারণ সীলমোহর থাকিবে এবং এই আইনের বিধান সাপেক্ষে, ইহার অস্থাবর ও স্থাবর উভয় প্রকার সম্পত্তি অর্জনের জন্য, অধিকারে রাখার এবং হস্তান্তর করার ক্ষমতা থাকিবে এবং উক্ত নামে বিশ্ববিদ্যালয়ের পক্ষে বা বিপক্ষে মামলা দায়ের করা যাইবে।

৪। এখতিয়ার।—বিশ্ববিদ্যালয় রুহত্তর সিনেট এলাকায় এই আইন দ্বারা বা ইহার অধীনে অর্পিত সমুদয় ক্ষমতা প্রয়োগ করিবে।

৫। বিশ্ববিদ্যালয়ের ক্ষমতা।—এই আইন এবং মঞ্জুরী কমিশন আদেশের বিধান এবং নির্ধারিত শর্তাবলী সাপেক্ষে বিশ্ববিদ্যালয়ে নিম্নবর্ণিত ক্ষমতা থাকিবে—

- (ক) স্নাতক এবং স্নাতকোত্তর পর্যায়ে বিজ্ঞান ও প্রযুক্তি বিষয়ে এবং বিশ্ববিদ্যালয় কর্তৃক বাছাইকৃত কলা, সমাজ বিজ্ঞান এবং এইরূপ অন্যান্য বিষয়াদিতে শিক্ষা চর্চার ব্যবস্থা করা এবং গবেষণার জন্য, বিশেষ করিয়া আধুনিক বিজ্ঞান ও প্রযুক্তির ক্ষেত্রে গবেষণার জন্য, ও জ্ঞানের অগ্রসরতা ও বিতরণের ব্যবস্থা করা ;
- (খ) বিশ্ববিদ্যালয়ের এবং উহার অধিভুক্ত মহাবিদ্যালয় ও ইনস্টিটিউটে শিক্ষাদানের জন্য পাঠ্যক্রম নির্ধারণ করা ;
- (গ) মহাবিদ্যালয় ও ইনস্টিটিউটে অধিভুক্ত করা বা উহাদের অধিভুক্তি বাতিল করা ;
- (ঘ) পরীক্ষা গ্রহণ করা এবং বিশ্ববিদ্যালয়ের নির্ধারিত পাঠ্যক্রম অধ্যয়নকারী, সংবিধির শর্ত অনুযায়ী গবেষণা বা ব্যক্তিগতভাবে অধ্যয়নকারী ব্যক্তির জন্য ডিগ্রি ও অন্যান্য একাডেমীয় সম্মান মঞ্জুর করা ;
- (ঙ) সংবিধিতে বিধৃত পদ্ধতিতে সম্মানসূচক ডিগ্রী বা অন্যান্য সম্মান প্রদান ;
- (চ) অনুমোদিত মহাবিদ্যালয় বা ইনস্টিটিউটের ছাত্র নহেন এমন ব্যক্তিদের জন্য বিশ্ববিদ্যালয় কর্তৃক নির্ধারিত ডিপ্লোমা প্রদানের উদ্দেশ্যে বক্তৃতামালা ও শিক্ষার ব্যবস্থা করা এবং সংবিধির শর্ত অনুযায়ী ডিপ্লোমা প্রদান করা ;
- (ছ) অধিভুক্ত ও অংগ মহাবিদ্যালয় এবং ইনস্টিটিউট ও উহাদের সহিত সংযুক্ত হোষ্টেল পরিদর্শন করা ;
- (জ) বিশ্ববিদ্যালয়ের প্রয়োজনে তৎকর্তৃক নির্ধারিত পছায় অন্যান্য বিশ্ববিদ্যালয় ও কর্তৃপক্ষের সহিত সহযোগিতা করা ;
- (ঝ) অধ্যাপক, সহযোগী অধ্যাপক, সহকারী অধ্যাপক, প্রভাষক এবং বিশ্ববিদ্যালয়ের প্রয়োজনীয় অন্য কোন গবেষণা ও শিক্ষকের পদ প্রবর্তন করা এবং সংশ্লিষ্ট বাছাই বোর্ড কর্তৃক সুপারিশকৃত ব্যক্তিগণকে সেই সকল পদে নিয়োগ করা ; তবে শর্ত থাকে যে, মঞ্জুরী কমিশনের পূর্ব অনুমোদন ব্যতীত অধ্যাপক বা সহযোগী অধ্যাপকের কোন পদ প্রবর্তন করা যাইবে না ;
- (ঞ) বিশ্ববিদ্যালয়ের ছাত্রদের বসবাসের জন্য হস্ত স্থাপন করা এবং উহার রক্ষণাবেক্ষণের ব্যবস্থা করা এবং উক্ত ছাত্রদের বসবাসের জন্য হোষ্টেলের অনুমোদন ও লাইসেন্স প্রদান করা ;
- (ট) সংবিধি, বিশ্ববিদ্যালয় অধ্যাদেশ ও প্রবিধান অনুযায়ী ফেলোশীপ, স্কলারশীপ, পুরস্কার ও মেডেল প্রবর্তন-ও-বিতরণ করা ;
- (ঠ) শিক্ষা ও গবেষণার উন্নয়নের জন্য একাডেমীয় যাদুঘর, পরীক্ষাগার, কর্মশিবির, স্কুল এবং ইনস্টিটিউট স্থাপন ও রক্ষণাবেক্ষণ করা ;
- (ড) বিশ্ববিদ্যালয়ের ছাত্রদের আবাস ও শৃংখলা তত্ত্বাবধান ও নিয়ন্ত্রণ করা, সহ-শিক্ষাক্রমিক কার্যাবলীর উন্নতি বর্ধন এবং স্বাস্থ্যের উৎকর্ষ সাধনের ব্যবস্থা করা ;

- (৬) বিশ্ববিদ্যালয় অধ্যাদেশ দ্বারা নির্ধারিত ফিস দাবী ও আদায় করা ;
 (৭) অনুমোদন, শিক্ষাদান ও পরীক্ষা গ্রহণকারী এবং গবেষণা সংস্থা হিসাবে বিশ্ববিদ্যালয়ের উদ্দেশ্যে অধিকতর পূরণকল্পে প্রয়োজনীয় অন্যান্য কাজকর্ম সম্পাদন করা ।

৬। জাতি, ধর্ম-নির্বিশেষে সকলের জন্য বিশ্ববিদ্যালয় উন্মুক্ত ।— যে কোন ধর্ম, বর্ণ, গোত্র এবং শ্রেণীর পুরুষ ও মহিলার জন্য বিশ্ববিদ্যালয় উন্মুক্ত থাকিবে ।

৭। বিশ্ববিদ্যালয়ের শিক্ষাদান ।— (১) বিশ্ববিদ্যালয়ের পরীক্ষা সম্পর্কিত সকল স্বীকৃত শিক্ষা বিশ্ববিদ্যালয় অথবা উহার অঙ্গ বা অনুমোদিত মহাবিদ্যালয় বা ইনস্টিটিউট কর্তৃক পরিচালিত হইবে এবং পরীক্ষাগার বা কর্মশিবিরের সকল ব্যক্তিত্ব ও কর্ম উহার অন্তর্ভুক্ত হইবে ।

(২) বিশ্ববিদ্যালয় অধ্যাদেশ দ্বারা নির্ধারিত পদ্ধতিতে শিক্ষকগণ শিক্ষাদান পরিচালনা করিবেন ।

(৩) এইরূপ শিক্ষাদানের দায়িত্ব কোন কর্তৃপক্ষের উপর থাকিবে তাহা সংবিধি দ্বারা নির্ধারিত হইবে ।

(৪) শিক্ষাক্রম ও পাঠ্যসূচী বিশ্ববিদ্যালয় অধ্যাদেশ ও প্রবিধান দ্বারা নির্ধারিত হইবে ।

(৫) বিশ্ববিদ্যালয় অধ্যাদেশ ও প্রবিধানে বিধৃত শর্তানুসারে টিউটরিয়াল দ্বারা অনুমোদিত শিক্ষাদান পরিপূরণ করা হইবে ।

(৬) বিশ্ববিদ্যালয়ের পৃষ্ঠপোষকতায় পারস্পরিক সহযোগিতার ভিত্তিতে মহাবিদ্যালয় বা ইনস্টিটিউটের জন্য অথবা মহাবিদ্যালয়, ইনস্টিটিউট এবং বিশ্ববিদ্যালয়ের জন্য শিক্ষাদানের ব্যবস্থা করা যাইতে পারে ।

৮। পরিদর্শন ।— (১) মঞ্জুরী কমিশন কোন ব্যক্তির দ্বারা বিশ্ববিদ্যালয় ও উহার ভবন, গ্রন্থাগার, পরীক্ষাগার, যন্ত্রপাতি বা সহযোগী প্রতিষ্ঠান এবং বিশ্ববিদ্যালয় কর্তৃক পরিচালিত পরীক্ষা, শিক্ষাদান এবং অন্যান্য কাজকর্ম পরিদর্শন করাইতে পারিবেন এবং একই পদ্ধতিতে বিশ্ববিদ্যালয়ের জন্য কোন ব্যাপারে তদন্ত করাইতে পারিবেন ।

(২) মঞ্জুরী কমিশন অনুষ্ঠিতব্য প্রত্যেক পরিদর্শন বা তদন্তের অভিপ্রায় সম্পর্কে বিশ্ববিদ্যালয়কে নোটিশ দিবেন এবং এইরূপ পরিদর্শন ও তদন্তে বিশ্ববিদ্যালয়ের প্রতিনিধিত্বের অধিকার থাকিবে ।

(৩) মঞ্জুরী কমিশন অনুরূপ পরিদর্শন বা তদন্ত সম্পর্কে উহার অভিমত অবহিত করিয়া তৎসম্পর্কে প্রয়োজনীয় ব্যবস্থা গ্রহণের জন্য বিশ্ববিদ্যালয়কে পরামর্শ দিবেন এবং বিশ্ববিদ্যালয় কর্তৃক গৃহীত ব্যবস্থার প্রতিবেদন মঞ্জুরী কমিশনের নিকট প্রেরণ করিবেন ।

(৪) বিশ্ববিদ্যালয় মঞ্জুরী কমিশন কর্তৃক নির্ধারিত রেজিষ্টার ও নথিপত্র রক্ষণাবেক্ষণ করিবে এবং কমিশনের চাহিদা অনুযায়ী পরিসংখ্যান এবং অন্যবিধ প্রতিবেদন ও তথ্য বিশ্ববিদ্যালয় সরবরাহ করিবে ।

৯। বিশ্ববিদ্যালয় কর্মকর্তা ।— বিশ্ববিদ্যালয়ে নিম্নরূপ কর্মকর্তা থাকিবে :—

(ক) চ্যান্সেলর ;

(খ) ভাইস-চ্যান্সেলর ;

- (গ) প্রো-ভাইস-চ্যান্সেলর ;
 (ঘ) কোষাধ্যক্ষ ;
 (ঙ) স্কুলের ডীন ;
 (চ) রেজিস্ট্রার ;
 (ছ) মহাবিদ্যালয় পরিদর্শক ;
 (জ) গ্রন্থাগারিক ;
 (ঝ) প্রক্টর ;
 (ঞ) হিসাব পরিচালক ;
 (ট) পরিকল্পনা ও উন্নয়ন পরিচালক ;
 (ঠ) ছাত্র উপদেশ ও নির্দেশনা পরিচালক ;
 (ড) পরীক্ষা নিয়ন্ত্রক ;
 (ঢ) বিশ্ববিদ্যালয় প্রকৌশলী ;
 (ণ) চিকিৎসা কর্মকর্তা ,
 (ত) শরীর চর্চা পরিচালক ;
 (থ) সংবিধি দ্বারা বিশ্ববিদ্যালয়ের কর্মকর্তা হিসাবে ঘোষিত অন্যান্য কর্মকর্তা

৯০। চ্যান্সেলর :—(১) গণপ্রজাতন্ত্রী বাংলাদেশের রাষ্ট্রপতি বিশ্ববিদ্যালয়ের চ্যান্সেলর থাকিবেন এবং তিনি একাডেমীয় ডিগ্রী ও সম্মানসূচক ডিগ্রী প্রদানের সমাবর্তন অনুষ্ঠানে সভাপতিত্ব করিবেন।

(২) চ্যান্সেলর এই আইন বা সংবিধি দ্বারা অর্পিত ক্ষমতার অধিকারী হইবেন।

(৩) সম্মানসূচক ডিগ্রী প্রদানের প্রতিটি প্রস্তাবে চ্যান্সেলরের অনুমোদন থাকিতে হইবে।

(৪) চ্যান্সেলরের নিকট যদি সন্তোষজনকভাবে প্রতীয়মান হয় যে, বিশ্ববিদ্যালয়ের স্বাভাবিক কাজকর্ম গুরুতরভাবে বিঘ্নিত হওয়ার মত অস্বাভাবিক পরিস্থিতি বিরাজ করিতেছে তাহা হইলে তিনি বিশ্ববিদ্যালয়ের স্বাভাবিক কাজকর্ম চালু রাখার স্বার্থে প্রয়োজনীয় আদেশ ও নির্দেশ দিতে পারিবেন এবং অনুরূপ আদেশ ও নির্দেশ বিশ্ববিদ্যালয়ের কর্তৃপক্ষ, শিক্ষক, কর্মকর্তা ও কর্মচারীদের জন্য বাধ্যতামূলক হইবে এবং ভাইস-চ্যান্সেলর উক্ত আদেশ বা নির্দেশ কার্যকর করিবেন।

৯১। ভাইস-চ্যান্সেলর নিয়োগ।—(১) ভাইস-চ্যান্সেলর, চ্যান্সেলর কর্তৃক নির্ধারিত শর্তে, চার বৎসরের জন্য চ্যান্সেলর কর্তৃক নিযুক্ত হইবেন।

(২) ছুটি, অসুস্থতা বা অন্য কোন কারণে ভাইস-চ্যান্সেলরের পদ শূন্য হইলে চ্যান্সেলর ভাইস চ্যান্সেলর পদের দায়িত্ব পালনের জন্য যথাযথ ব্যবস্থা গ্রহণ করিবেন।

৯২। ভাইস-চ্যান্সেলরের ক্ষমতা ও দায়িত্ব।—(১) ভাইস-চ্যান্সেলর বিশ্ববিদ্যালয়ের সার্বজনিক প্রধান একাডেমীয় ও নির্বাহী কর্মকর্তা হইবেন।

(২) ভাইস-চ্যান্সেলর তাঁহার দায়িত্ব পালনে চ্যান্সেলরের নিকট দায়ী থাকিবেন।

(৩) চ্যান্সেলরের অনুপস্থিতিতে ভাইস-চ্যান্সেলর বিশ্ববিদ্যালয়ের সমাবর্তন অনুষ্ঠানে সভাপতিত্ব করিবেন।

(৪) ভাইস-চ্যান্সেলর এই আইন, সংবিধি এবং বিশ্ববিদ্যালয় অধ্যাদেশের বিধানাবলী বিশ্বস্ততার সহিত পালনের নিশ্চয়তা বিধান করিবেন এবং এই উদ্দেশ্যে প্রয়োজনীয় ক্ষমতা প্রয়োগ করিতে পারিবেন।

(৫) ভাইস-চ্যান্সেলর বিশ্ববিদ্যালয়ের কোন কতৃপক্ষ বা সংস্থার সভায় উপস্থিত থাকিতে এবং ইহার কার্যাবলীতে অংশ গ্রহণ করিতে পারিবেন, কিন্তু সংশ্লিষ্ট কতৃপক্ষ বা সংস্থার সদস্য না হইলে উহাতে তাঁহার ভোট দানের অধিকার থাকিবে না।

(৬) ভাইস-চ্যান্সেলর সিনেট, সিন্ডিকেট এবং একাডেমিক কাউন্সিলের সভা আহ্বান করিবেন।

(৭) ভাইস-চ্যান্সেলরের বিশ্ববিদ্যালয়ের অনুমোদিত মহাবিদ্যালয় ও অন্যান্য প্রতিষ্ঠান পরিদর্শন করার অধিকার থাকিবে।

(৮) ভাইস-চ্যান্সেলর অস্থায়ীভাবে এবং সাধারণতঃ অনধিক ছয় মাসের জন্য অধ্যাপক ও সহযোগী অধ্যাপক ব্যতীত অন্যান্য শিক্ষক, প্রো-ভাইস-চ্যান্সেলর ও কোষাধ্যক্ষ ব্যতীত কর্মকর্তা এবং প্রশাসনিক ও অধ্যক্ষ কর্মচারী নিয়োগ করিতে পারিবেন এবং এইরূপ নিয়োগের বিষয়ে সিন্ডিকেটকে অবহিত করিবেন ;

তবে শর্ত থাকে যে, যথাযথ কতৃপক্ষ কতৃক অনুমোদিত হয় নাই এই প্রকার কোন পদে উক্তরূপ কোন নিয়োগ করা যাইবে না।

(৯) ভাইস-চ্যান্সেলর তাঁহার বিবেচনায় প্রয়োজন মনে করিলে তাঁহার যে কোন ক্ষমতা ও দায়িত্ব সিন্ডিকেটের অনুমোদনক্রমে বিশ্ববিদ্যালয়ের যে কোন কর্মকর্তাকে অর্পণ করিতে পারিবেন।

(১০) বিশ্ববিদ্যালয়ের শিক্ষক, ও কর্মকর্তাদের নিয়োগ, বরখাস্ত বা সাময়িক বরখাস্ত এবং তাহাদের বিরুদ্ধে শৃংখলামূলক ব্যবস্থা গ্রহণ সম্পর্কে সিন্ডিকেটের সিদ্ধান্ত ভাইস-চ্যান্সেলর কার্যকর করিবেন।

(১১) বিশ্ববিদ্যালয়ের শিক্ষক, কর্মকর্তা ও কর্মচারীদের উপর ভাইস-চ্যান্সেলরের সাধারণ নিয়ন্ত্রণ ক্ষমতা থাকিবে।

(১২) এই আইন, সংবিধি এবং বিশ্ববিদ্যালয় অধ্যাদেশ অনুসারে বিশ্ববিদ্যালয়ের শৃংখলা রক্ষার জন্য ভাইস-চ্যান্সেলর দায়ী থাকিবেন।

(১৩) কোন জরুরী পরিস্থিতিতে তাৎক্ষণিক কোন ব্যবস্থা গ্রহণ ভাইস-চ্যান্সেলর প্রয়োজন মনে করিলে তিনি সেই ব্যবস্থা গ্রহণ করিতে পারিবেন এবং বিষয়টি সম্পর্কে সাধারণতঃ যে কর্মকর্তা, কতৃপক্ষ বা সংস্থা ব্যবস্থা গ্রহণকরিতে পারিতেন সেই কর্মকর্তা, কতৃপক্ষ বা সংস্থাকে যথাশীঘ্র সম্ভব গৃহীত ব্যবস্থা সম্পর্কে অবহিত করিবেন।

(১৪) বিশ্ববিদ্যালয়ের কোন কতৃপক্ষ বা সংস্থার সিদ্ধান্তের সহিত ভাইস-চ্যান্সেলর ঐক্যমত পোষণ না করিলে তিনি উক্ত সিদ্ধান্তের বাস্তবায়ন স্থগিত রাখিয়া তাঁহার মতামতসহ সিদ্ধান্তটি সংশ্লিষ্ট কতৃপক্ষ বা সংস্থার পরবর্তী নিয়মিত সভায় পুনঃ বিবেচনার জন্য উক্ত কতৃপক্ষ বা সংস্থার নিকট ফেরৎ পাঠাইতে পারিবেন ; এবং যদি উক্ত কতৃপক্ষ বা সংস্থা পুনঃ বিবেচনার পর ভাইস-চ্যান্সেলরের সহিত ঐক্যমত পোষণ না করেন তাহা হইলে তিনি বিষয়টি সিদ্ধান্তের জন্য চ্যান্সেলরের নিকট প্রেরণ করিতে পারিবেন এবং সেই বিষয়ে চ্যান্সেলরের সিদ্ধান্ত চূড়ান্ত হইবে।

(১৫) সংবিধি, বিশ্ববিদ্যালয় অধ্যাদেশ ও প্রবিধি দ্বারা নির্ধারিত অন্যান্য ক্ষমতাও ভাইস-চ্যান্সেলর প্রয়োগ করিবেন।

১৩। প্রো-ভাইস-চ্যান্সেলর।— (১) প্রয়োজন মনে করিলে চ্যান্সেলর, তৎকর্তৃক নির্ধারিত শর্তে এবং মেয়াদের জন্য, একজন প্রো-ভাইস-চ্যান্সেলর নিয়োগ করিতে পারিবেন।

(২) প্রো-ভাইস-চ্যান্সেলর সংবিধি ও বিশ্ববিদ্যালয় অধ্যাদেশ দ্বারা নির্ধারিত এবং ভাইস-চ্যান্সেলর কর্তৃক প্রদত্ত ক্ষমতা প্রয়োগ এবং দায়িত্ব পালন করিবেন।

১৪। কোষাধ্যক্ষ।— (১) চ্যান্সেলর তৎকর্তৃক নির্ধারিত শর্তে চার বৎসরের জন্য একজন কোষাধ্যক্ষ নিযুক্ত করিবেন।

(২) ছুটি, অসুস্থতা বা অন্য কোন কারণে কোষাধ্যক্ষের পদ সাময়িকভাবে শূন্য হইলে সিন্ডিকেট অবিলম্বে চ্যান্সেলরকে তৎসম্পর্কে অবহিত করিবে এবং চ্যান্সেলর কোষাধ্যক্ষের কার্যাবলী সম্পাদনের জন্য তখন যে প্রকার ব্যবস্থা গ্রহণ করা প্রয়োজন মনে করিবেন সেই ব্যবস্থা গ্রহণ করিবেন।

(৩) কোষাধ্যক্ষ বিশ্ববিদ্যালয়ের তহবিলের সাধারণ তদারক করিবেন এবং বিশ্ববিদ্যালয়ের ত্ত্ব সংক্রান্ত নীতি সম্পর্কে পরামর্শ দিবেন।

(৪) কোষাধ্যক্ষ, সিন্ডিকেটের নিয়ন্ত্রণ সাপেক্ষে, বিশ্ববিদ্যালয়ের সম্পত্তি ও বিনিয়োগ পরিচালনা করিবেন এবং তিনি বার্ষিক বাজেট ও হিসাব-বিবরণী পেশ করার জন্য দায়ী থাকিবেন।

(৫) যে খাতের জন্য অর্থ মঞ্জুর বা বরাদ্দ করা হইয়াছে সে খাতেই যেন উহা ব্যয় হয় তাহা দেখার জন্য কোষাধ্যক্ষ, সিন্ডিকেটের ক্ষমতা সাপেক্ষে, দায়ী থাকিবেন।

(৬) কোষাধ্যক্ষ বিশ্ববিদ্যালয়ের পক্ষে সকল চুক্তিতে স্বাক্ষর করিবেন।

(৭) কোষাধ্যক্ষ সংবিধি ও বিশ্ববিদ্যালয়ের অধ্যাদেশ দ্বারা নির্ধারিত অন্যান্য ক্ষমতাও প্রয়োগ করিবেন।

১৫। অন্যান্য কর্মকর্তার নিয়োগদান।— বিশ্ববিদ্যালয়ের যে সকল কর্মকর্তার নিয়োগ পদ্ধতি সম্পর্কে এই আইনের কোথায়ও উল্লেখ নাই, সিন্ডিকেট সংবিধিতে নির্ধারিত পদ্ধতিতে সেই সকল কর্মকর্তা নিয়োগ করিবেন।

১৬। রেজিষ্টার।— (১) রেজিষ্টার সিমেন্ট, সিন্ডিকেট ও একাডেমিক কাউন্সিলের সচিব থাকিবেন।

(২) রেজিষ্টার সংবিধি অনুসারে রেজিষ্টার্ড প্রাজুয়েটদের একটি রেজিষ্টার রক্ষণাবেক্ষণ, করিবেন এবং সংবিধি ও বিশ্ববিদ্যালয় অধ্যাদেশ দ্বারা নির্ধারিত অন্যান্য ক্ষমতা প্রয়োগ এবং দায়িত্ব পালন করিবে।

১৭। মহাবিদ্যালয় পরিদর্শক।— মহাবিদ্যালয় পরিদর্শক অনুমোদিত মহাবিদ্যালয় বা ইনষ্টিটিউটের সহিত সম্পর্কিত সকল বিষয়ের দায়িত্বে থাকিবেন এবং সংবিধি ও বিশ্ববিদ্যালয় অধ্যাদেশ দ্বারা নির্ধারিত কিংবা ভাইস-চ্যান্সেলর কর্তৃক প্রদত্ত অন্যান্য দায়িত্ব পালন করিবেন।

১৮। পরীক্ষা নিয়ন্ত্রক।— পরীক্ষা নিয়ন্ত্রক পরীক্ষা পরিচালনার সহিত সম্পর্কিত সকল বিষয়ের দায়িত্বে থাকিবেন এবং সংবিধি ও বিশ্ববিদ্যালয় অধ্যাদেশ দ্বারা নির্ধারিত অথবা ভাইস-চ্যান্সেলর কর্তৃক প্রদত্ত অন্যান্য দায়িত্ব পালন করিবেন।

১৯। অন্যান্য কর্মকর্তার ক্ষমতা ও দায়িত্ব।— বিশ্ববিদ্যালয়ের অন্যান্য কর্মকর্তা সংবিধি, বিশ্ববিদ্যালয়ের অধ্যাদেশ ও প্রবিধান দ্বারা নির্ধারিত ক্ষমতা প্রয়োগ ও দায়িত্ব পালন করিবেন।

২০। বিশ্ববিদ্যালয়ের কর্তৃপক্ষ।— বিশ্ববিদ্যালয়ের নিম্নরূপ কর্তৃপক্ষ থাকিবে, যথা :

- (ক) সিনেট ;
- (খ) সিন্ডিকেট ;
- (গ) একাডেমিক কাউন্সিল ;
- (ঘ) স্কুল অব স্টাডিজ ;
- (ঙ) পাঠ্যক্রম কমিটি ;
- (চ) বোর্ড অব গ্র্যাডুয়েশন স্টাডিজ ;
- (ছ) অর্থ কমিটি ;
- (জ) পরিকল্পনা ও উন্নয়ন কমিটি ;
- (ঝ) বাছাই বোর্ড ; এবং
- (ঞ) সংবিধিতে বিধৃত অন্যান্য কর্তৃপক্ষ

২১। সিনেট।— (১) নিম্নবর্ণিত সদস্যগণের সমন্বয়ে সিনেট গঠিত হইবে, যথা :—

- (ক) ডাইস-চ্যান্সেলর ;
- (খ) প্রো-ডাইস-চ্যান্সেলর, যদি থাকেন ;
- (গ) কোষাধ্যক্ষ ;
- (ঘ) স্পীকার কর্তৃক মনোনীত সংসদের তিনজন সদস্য ;
- (ঙ) সরকার কর্তৃক মনোনীত তিনজন সরকারী কর্মকর্তা ;
- (চ) সিন্ডিকেট কর্তৃক মনোনীত গবেষণা সংস্থাসমূহের পাঁচজন প্রতিনিধি ;
- (ছ) চ্যান্সেলর কর্তৃক মনোনীত পাঁচজন খ্যাতনামা শিক্ষাবিদ ;
- (জ) মাধ্যমিক ও উচ্চতর শিক্ষার মহাপরিচালক ;
- (ঝ) কারিগরি শিক্ষার মহাপরিচালক ;
- (ঞ) কুমিল্লা মাধ্যমিক ও উচ্চ মাধ্যমিক শিক্ষা বোর্ডের চেয়ারম্যান ;
- (ট) অধিভুক্ত ও অংগ মহাবিদ্যালয়সমূহ হইতে সিন্ডিকেট কর্তৃক মনোনীত তিনজন অধ্যক্ষ ;
- (ঠ) অধিভুক্ত ও অংগ মহাবিদ্যালয়সমূহ হইতে একাডেমিক কাউন্সিল কর্তৃক মনোনীত চারজন শিক্ষক ;
- (ড) রেজিস্টার ভুক্ত গ্রাজুয়েটগণ কর্তৃক তাহাদের মধ্য হইতে নির্বাচিত দশজন প্রতিনিধি ;
- (ঢ) বিশ্ববিদ্যালয়ের শিক্ষকগণ কর্তৃক তাহাদের মধ্য হইতে নির্বাচিত পনরজন প্রতিনিধি ;
- (ণ) বাণিজ্যে নিয়োজিত ব্যক্তিগণের মধ্য হইতে সরকার কর্তৃক মনোনীত একজন প্রতিনিধি ;

(ঙ) শিল্পে নিয়োজিত ব্যক্তিগণের মধ্য হইতে সরকার কর্তৃক মনোনীত একজন প্রতিনিধি ;

(খ) আইন পেশায় নিয়োজিত ব্যক্তিগণের মধ্য হইতে সরকার কর্তৃক মনোনীত একজন প্রতিনিধি ।

(২) সিনেটের মনোনীত বা নির্বাচিত কোন সদস্য তিন বৎসরের জন্য সদস্য পদে অধিষ্ঠিত থাকিবেন এবং নির্বাচিত বা মনোনীত উত্তরাধিকারী কর্মভার গ্রহণ না করা পর্যন্ত তিনি ঐ পদে বহাল থাকিবেন ;

তবে শর্ত থাকে যে, কোন ব্যক্তি যদি সংসদ সদস্য, সরকারী কর্মকর্তা, অধ্যক্ষ, শিক্ষক, রেজিষ্টারভুক্ত প্রাজুয়েট বা গবেষণা সংস্থার সংশ্লিষ্ট ব্যক্তি হিসাবে সিনেটের সদস্য হইয়া থাকেন তাহা হইলে তিনি যতদিন পর্যন্ত অনুরূপ সদস্য, কর্মকর্তা, অধ্যক্ষ, শিক্ষক, প্রাজুয়েট বা গবেষণা সংস্থার সহিত সংশ্লিষ্ট থাকিবেন ততদিন পর্যন্ত তিনি সিনেটের সদস্য পদে অধিষ্ঠিত থাকিবেন ।

(৩) (১) (ড) (ঢ) উপ-ধারায় উল্লেখিত সিনেট সদস্যগণের নির্বাচন সংবিধি দ্বারা নির্ধারিত পদ্ধতিতে অনুষ্ঠিত হইবে ।

২২। সিনেটের সভা।— (১) বৎসরে অন্ততঃ একবার ডাইস-চ্যান্সেলর কর্তৃক স্থিরীকৃত তারিখে সিনেটের বৈঠক অনুষ্ঠিত হইবে, যাহা উহার বার্ষিক সভা নামে অভিহিত হইবে ।

(২) ডাইস-চ্যান্সেলর যখনই উপযুক্ত মনে করিবেন তখনই সিনেটের বিশেষ সভা আহ্বান করিতে পারিবেন এবং কমপক্ষে সিনেটের বিশজন সদস্যের স্বাক্ষরযুক্ত তালবনামার ভিত্তিতে অনুরূপ সভা আহ্বান করিবেন ।

২৩। সিনেটের ক্ষমতা ও দায়িত্ব।— এই আইনের বিধানাবলী সাপেক্ষে সিনেট—

(ক) সিভিলিকিট কর্তৃক প্রস্তাবিত সংবিধি সংশোধন ও অনুমোদন করিবে ;

(খ) সিভিলিকিট কর্তৃক পেশকৃত বার্ষিক প্রতিবেদন, বার্ষিক হিসাব ও আনুমানিক আর্থিক হিসাবের উপর বিবেচনা ও সিদ্ধান্ত গ্রহণ করিবে ; এবং

(গ) এই আইন বা সংবিধি দ্বারা অর্পিত অন্যান্য ক্ষমতা প্রয়োগ ও দায়িত্ব পালন করিবে ।

২৪। সিভিলিকিট।— ১) নিম্নরূপ সদস্যগণের সমন্বয়ে সিভিলিকিট গঠিত হইবে, যথা :—

(ক) ডাইস-চ্যান্সেলর ;

(খ) প্রো-ডাইস-চ্যান্সেলর, যদি থাকেন ;

(গ) কোষাধ্যক্ষ ;

(ঘ) বিশ্ববিদ্যালয়ের শিক্ষকগণ কর্তৃক নির্বাচিত দুইজন বিশ্ববিদ্যালয়ের শিক্ষক, যাহাদের মধ্যে একজন অধ্যাপক বা সহযোগী অধ্যাপক হইবেন ;

(ঙ) ডাইস-চ্যান্সেলর কর্তৃক স্থিরীকৃত পাল্যক্রমে স্কুলের একজন ডীন ;

(চ) ডাইস-চ্যান্সেলর কর্তৃক স্থিরীকৃত পাল্যক্রমে একজন প্রোভোস্ট ;

(ছ) সিনেট কর্তৃক মনোনীত দুইজন ব্যক্তি ;

- (ক) অধিভুক্ত ও অংগ মহাবিদ্যালয়সমূহ হইতে একাডেমিক কাউন্সিল কর্তৃক মনোনীত দুইজন অধ্যক্ষ, যাহাদের মধ্যে একজন পেশাদারী বা কারিগরী মহাবিদ্যালয়ের অধ্যক্ষ হইবেন;
- (খ) চ্যান্সেলর কর্তৃক মনোনীত দুইজন ব্যক্তি, যাহাদের মধ্যে কোন গবেষণা প্রতিষ্ঠানের সদস্য হইবেন;
- (গ) সরকার কর্তৃক মনোনীত অন্ততঃ অতিরিক্ত সচিবের পদমর্যাদাসম্পন্ন একজন সরকারী কর্মকর্তা;
- (ট) মাধ্যমিক ও উচ্চতর শিক্ষার মহাপরিচালক।

(২) (১) (ক), (খ) বা (গ) উপ-ধারায় উল্লেখিত কোন সদস্য বাতীত সিন্ডিকেটের অন্য কোন সদস্য দুই বৎসর মেয়াদে তাঁহার পদে অধিষ্ঠিত থাকিবেন, এবং নির্বাচিত বা মনোনীত তাঁহার উত্তরাধিকারী কার্যভার গ্রহণ না করা পর্যন্ত তিনি স্ত্রী পদে বহাল থাকিবেন;

তবে শর্ত থাকে যে, কোন ব্যক্তি যদি বিশ্ববিদ্যালয়ের শিক্ষক, ডীন, প্রভোস্ট, সিনেটের সদস্য, মহাবিদ্যালয়ের অধ্যক্ষ অথবা সরকারী কর্মকর্তা হিসাবে সিন্ডিকেটের সদস্য হইয়া থাকেন, তাহা হইলে তিনি যতদিন পর্যন্ত অনুরূপ শিক্ষক, ডীন, প্রভোস্ট, সদস্য, অধ্যক্ষ বা কর্মকর্তা থাকিবেন ততদিন পর্যন্ত সিনেটের সদস্যপদে অধিষ্ঠিত থাকিবেন।

(৩) (১) (ঘ) উপ-ধারায় উল্লেখিত সিন্ডিকেটের সদস্যগণের নির্বাচন সংবিধি দ্বারা নিদ্বন্দ্বিত পদ্ধতিতে অনুষ্ঠিত হইবে।

২৫। সিন্ডিকেটের ক্ষমতা ও দায়িত্ব।—(১) সিন্ডিকেট বিশ্ববিদ্যালয়ের নির্বাহী সংস্থা হইবে এবং এই আইন ও মঞ্জুরী কমিশন আদেশের বিধান এবং ডাইস-চ্যান্সেলরের উপর অর্পিত ক্ষমতা সাপেক্ষে, বিশ্ববিদ্যালয়ের কার্যাবলী, প্রতিষ্ঠানসমূহ এবং সম্পত্তির উপর সিন্ডিকেটের সাধারণ ব্যবস্থাপনা ও তত্ত্বাবধানের ক্ষমতা থাকিবে; এবং সিন্ডিকেট এই আইন, সংবিধি, বিশ্ববিদ্যালয় অধ্যাদেশ এবং প্রবিধানের বিধানসমূহ যথাযথভাবে পালিত হইতেছে কিনা তৎপ্রতি লক্ষ্য রাখিবে।

(২) (১) উপ-ধারার অধীনে প্রয়োগযোগ্য ক্ষমতায় সাধারণত্বের হানি না করিয়া সিন্ডিকেট বিশেষতঃ—

- (ক) বিশ্ববিদ্যালয়ের সম্পত্তি অর্জন ও তহবিল সংগ্রহ করিবে, উহা অধিকারে রাখিবে এবং নিয়ন্ত্রণ ও পরিচালনা করিবে;
- (খ) অর্থ সংক্রান্ত বিষয়ে অর্থ-কমিটির পরামর্শ গ্রহণ করিবে;
- (গ) বিশ্ববিদ্যালয়ের সাধারণ সীলমোহরের আকার নির্ধারণ এবং উহার হেফাজতের ব্যবস্থা ও ব্যবহার পদ্ধতি নিরূপন করিবে;
- (ঘ) বিশ্ববিদ্যালয় কর্তৃক প্রাপ্ত সকল উইলের পূর্ণ বিবরণসহ বিশ্ববিদ্যালয়ের আর্থিক চাহিদার পূর্ণ বিবরণ প্রতি বৎসর মঞ্জুরী কমিশনের নিকট পেশ করিবে;
- (ঙ) বিশেষ উদ্দেশ্যে বিশ্ববিদ্যালয়কে প্রদত্ত যে কোন তহবিল পরিচালনা করিবে;
- (চ) এই আইন বা সংবিধিতে অন্য কোন বিধান না থাকিলে, বিশ্ববিদ্যালয়ের শিক্ষক, কর্মকর্তা ও অন্যান্য কর্মচারী নিয়োগ এবং তাহাদের দায়িত্ব ও চাকরীর শর্তাবলী নির্ধারণ করিবে;
- (ছ) সংবিধি সাপেক্ষে, মহাবিদ্যালয়, ইনস্টিটিউট এবং বিশ্ববিদ্যালয় কর্তৃক রক্ষণাবেক্ষণ করা হয় না এমন হোস্টেলের অধিভুক্ত করিবে বা অধিভুক্তি প্রত্যাহার করিবে;

- (জ) বিশ্ববিদ্যালয়ের পক্ষে উইল, দান এবং হস্তান্তরকৃত স্থাবর ও অস্থাবর সম্পত্তি গ্রহণ করিবে ;
- (ঝ) বিশ্ববিদ্যালয়ের পরীক্ষা অনুষ্ঠান এবং উহার ফলাফল প্রকাশের ব্যবস্থা করিবে ;
- (ঞ) এই আইন দ্বারা অর্পিত ডাইস-চ্যান্সেলরের ক্ষমতাবলী সাপেক্ষে, এই আইন, সংবিধি এবং বিশ্ববিদ্যালয় অধ্যাদেশের বিধান অনুসারে বিশ্ববিদ্যালয়ের সহিত সংশ্লিষ্ট সকল বিষয়ের নিয়ন্ত্রণ ও নির্ধারণ করিবে ;
- (ট) অধিভুক্ত মহাবিদ্যালয়, ইনষ্টিটিউট ও হোস্টেলের পরিদর্শনের ব্যবস্থা করিবে অথবা পরিদর্শনের নির্দেশ দিবে ;
- (ঠ) সিনেটের অনুমোদন সাপেক্ষে, সংবিধি প্রণয়ন, সংশোধন বা বাতিল করিবে ;
- (ড) এই আইন, মঞ্জুরী কমিশন আদেশ ও সংবিধির বিধান সাপেক্ষে, বিশ্ববিদ্যালয় অধ্যাদেশ প্রণয়ন করিবে ;
- (ঢ) সংবিধি অনুসারে এবং একাডেমিক কাউন্সিলের সুপারিশ অনুযায়ী অধ্যাপক, সহযোগী অধ্যাপক, সহকারী অধ্যাপক, প্রভাষক এবং অন্যান্য শিক্ষকের ও গবেষণার পদ সৃষ্টি করিবে ;
তবে শর্ত থাকে যে, মঞ্জুরী কমিশনের পূর্ব অনুমোদন ব্যতীত কোন অধ্যাপক বা সহযোগী অধ্যাপকের পদ সৃষ্টি করা যাইবে না ;
- (ণ) সংবিধি অনুসারে এবং একাডেমিক কাউন্সিলের সুপারিশ অনুযায়ী মঞ্জুরী কমিশনের পূর্ব অনুমোদন লইয়া নতুন ডিসিপ্লিন, শিক্ষা এবং গবেষণার সুযোগের প্রবর্তন করিবে ;
- (ত) সংবিধি অনুসারে এবং একাডেমিক কাউন্সিলের সুপারিশ অনুযায়ী অধ্যাপক, সহযোগী অধ্যাপক, সহকারী অধ্যাপক, প্রভাষক এবং অন্যান্য শিক্ষকের ও গবেষণার পদ বিলোপ বা সাময়িকভাবে স্থগিত করিবে ;
- (থ) সংবিধি অনুসারে এবং একাডেমিক কাউন্সিলের সুপারিশ অনুযায়ী কোন ডিসিপ্লিন বা ইনষ্টিটিউট বিলোপ বা সাময়িকভাবে স্থগিত করিবে ;
- (দ) সংবিধি অনুসারে এবং একাডেমিক কাউন্সিলের সুপারিশ অনুযায়ী কোন পণ্ডিত ব্যক্তিকে বিশ্ববিদ্যালয়ের শিক্ষকরূপে স্বীকৃতি প্রদান করিবে ;
- (ধ) প্রবিধান দ্বারা নির্ধারিত শর্ত সাপেক্ষে এবং ডাইস-চ্যান্সেলরের সুপারিশক্রমে করণিক ও অন্যান্য কর্মচারী নিয়োগের ব্যাপারে উহার ক্ষমতা কোন নির্ধারিত ব্যক্তি বা কর্তৃপক্ষকে অর্পণ করিবে ;
- (ন) যে কোন প্রশাসনিক বা করণিক বা শিক্ষকতার পদ ব্যতীত অন্যান্য পদ বিলোপ বা সাময়িকভাবে স্থগিত করিবে ;
- (প) এই আইন ও সংবিধি দ্বারা তৎপ্রতি অর্পিত বা আরোপিত অন্যান্য ক্ষমতা প্রয়োগ এবং দায়িত্ব পালন করিবে ;
- (ফ) এই আইন বা সংবিধি দ্বারা অন্যভাবে প্রদত্ত নয় বিশ্ববিদ্যালয়ের এইরূপ অন্যান্য ক্ষমতা প্রয়োগ করিবে ।

২৬। একাডেমিক কাউন্সিল।— (১) নিম্নরূপ সদস্যগণের সম্মুখে একাডেমিক কাউন্সিল গঠিত হইবে, যথা :—

- (ক) ডাইস-চ্যান্সেলর ;
- (খ) প্রো-ভাইস-চ্যান্সেলর, যদি থাকেন ;
- (গ) স্কুলসমূহের ডীন ;
- (ঘ) ডিসিপ্লিনের প্রধান ;
- (ঙ) ডাইস-চ্যান্সেলর কর্তৃক জ্যেষ্ঠতার ভিত্তিতে নিযুক্ত, ডীনগণ এবং ডিসিপ্লিনের প্রধানগণ বাতীত, বিশ্ববিদ্যালয়ের অনধিক ২৫ জন অধ্যাপক ;
- (চ) বিশ্ববিদ্যালয়ের গ্রন্থাগারিক ;
- (ছ) অধিভুক্ত অংগ মহাবিদ্যালয় ও ইনস্টিটিউট হইতে চ্যান্সেলর কর্তৃক মনোনীত সাতজন অধ্যক্ষ, যাহাদের মধ্যে তিনজন কারিগরি ও পেশাদারী মহাবিদ্যালয়ের অধ্যক্ষ হইবেন ;
- (জ) গবেষণা সংস্থা ও উচ্চতর শিক্ষাকেন্দ্র হইতে চ্যান্সেলর কর্তৃক মনোনীত পাঁচজন ব্যক্তি ;
- (ঝ) বিশ্ববিদ্যালয়ের শিক্ষকগণ কর্তৃক নির্বাচিত ডিসিপ্লিনের প্রধান নন বিশ্ববিদ্যালয়ের এমন দুইজন সহযোগী অধ্যাপক এবং দুইজন সহকারী অধ্যাপক ।

(২) একাডেমিক কাউন্সিলের মনোনীত বা নির্বাচিত কোন সদস্য দুই বৎসরের জন্য সদস্য পদে অধিষ্ঠিত থাকিবেন এবং মনোনীত বা নির্বাচিত উত্তরাধিকারী কার্যভার গ্রহণ না করা পর্যন্ত তিনি ঐ পদে বহাল থাকিবেন ;

তবে শর্ত থাকে যে, কোন ব্যক্তি যদি বিশ্ববিদ্যালয়ের অধ্যাপক, সহযোগী অধ্যাপক বা সহকারী অধ্যাপক বা কোন মহাবিদ্যালয় বা ইনস্টিটিউটের অধ্যক্ষ অথবা গবেষণা সংস্থার সদস্য হিসাবে একাডেমিক কাউন্সিলের সদস্য হইয়া থাকেন, তাহা হইলে তিনি যতদিন পর্যন্ত অনুরূপ অধ্যাপক, সহযোগী অধ্যাপক সহকারী অধ্যাপক, অধ্যক্ষ বা সদস্য থাকিবেন ততদিন পর্যন্ত তিনি একাডেমিক কাউন্সিলের সদস্য পদে অধিষ্ঠিত থাকিবেন ।

২৭। একাডেমিক কাউন্সিলের ক্ষমতা ও দায়িত্ব।— (১) একাডেমিক কাউন্সিল বিশ্ববিদ্যালয়ের প্রধান শিক্ষা-বিষয়ক সংস্থা হইবে; এবং এই আইন, সংবিধি ও বিশ্ববিদ্যালয় অধ্যাদেশের বিধান সাপেক্ষে, বিশ্ববিদ্যালয় এবং উহার আওতার মধ্যে সকল শিক্ষাদান, শিক্ষা এবং পরীক্ষার মান বজায় রাখার ব্যাপারে উক্ত কাউন্সিল দায়ী থাকিবে এবং এই সকল বিষয়ের উপর ইহার নিয়ন্ত্রণ ও তত্ত্বাবধান-ক্ষমতা থাকিবে, অধিকন্তু কাউন্সিল সংবিধি দ্বারা অর্পিত অন্যান্য ক্ষমতা প্রয়োগ ও দায়িত্ব পালন করিবে এবং শিক্ষা সংক্রান্ত স্বাভাবিক বিষয়ে সিপ্তিকেটকে পরামর্শ দান করিবে ।

(২) এই আইন, মঞ্জুরী কমিশন আদেশ ও সংবিধির বিধান এবং ডাইস-চ্যান্সেলর ও সিন্ডিকেটের উপর অর্পিত ক্ষমতা সাপেক্ষে, শিক্ষা-ধারা ও পাঠ্যক্রম এবং শিক্ষাদান গবেষণা ও পরীক্ষার সত্যিক মান নির্ধারণের জন্য একাডেমিক কাউন্সিল প্রবিধান প্রণয়ন করিতে পারিবে ।

(৩) ডাইস-চ্যান্সেলর ও সিন্ডিকেটের উপর অর্পিত ক্ষমতা সাপেক্ষে, একাডেমিক কাউন্সিলের নিম্নরূপ ক্ষমতা থাকিবে, যথা :—

- (ক) শিক্ষা সংক্রান্ত সকল বিষয়ে সিপ্তিকেটকে পরামর্শ দান করা ;

- (খ) শিক্ষা সংক্রান্ত বিষয়ে অধ্যাদেশ প্রণয়নের জন্য সিন্ডিকেটের নিকট প্রস্তাব পেশ করা ;
- (গ) গবেষণায় নিয়োজিত ব্যক্তিদের নিকট হইতে রিপোর্ট তুলব করা এবং তৎসম্পর্কে সিন্ডিকেটের নিকট সুপারিশ করা ;
- (ঘ) শিক্ষা জীবনের উৎকর্ষ সাধনের প্রয়োজনে মহাবিদ্যালয়সমূহের মধ্যে পারস্পরিক সংযোগিতা ও সহকর্মে উৎসাহিত করার জন্য প্রবিধান প্রণয়ন করা ;
- (ঙ) পরীক্ষায় প্রবেশ সংক্রান্ত কোন ব্যাপারে ছাত্রদিগকে কি কি শর্তে রেহাই দেওয়া যায় তাহা স্থির করা ;
- (চ) বিশ্ববিদ্যালয়ের ডিসিপ্রিন্সসমূহ এবং পাঠ্যক্রম কমিটিগুলি গঠনের জন্য সিন্ডিকেটের নিকট ক্ষীম পেশ করা ;
- (ছ) বিশ্ববিদ্যালয়ে অধ্যাপনা ও গবেষণার ব্যবস্থা করা এবং উহাদের উন্নয়নের ব্যবস্থা করা ;
- (জ) সিন্ডিকেটের অনুমোদন সাপেক্ষে এবং স্কুল অব স্টাডিজের সুপারিশক্রমে, সকল পরীক্ষার প্রতিটি পত্রের পাঠ্যক্রম ও পাঠ্যসূচী এবং গঠন ও গবেষণার সীমারেখা নির্ধারণ করা ;

তবে শর্ত থাকে যে, একাডেমিক কাউন্সিল কেবলমাত্র স্কুল অব স্টাডিজের সুপারিশমাত্র গ্রহণ, অগ্রাহ্য বা ক্ষেত্র প্রদান করিতে পারিবে কিন্তু সংশোধন করিতে পারিবে না ;

আরও শর্ত থাকে যে একাডেমিক কাউন্সিল এবং স্কুল অব স্টাডিজের মধ্যে কোন মতানৈক্য হইলে সিদ্ধান্তের জন্য উভয় সংস্থার মতামত সিন্ডিকেটের নিকট পেশ করা হইবে এবং এই ব্যাপারে সিন্ডিকেটের সিদ্ধান্তই চূড়ান্ত হইবে ;

- (ঝ) এম, ফিল বা ডক্টরেট ডিগ্রীর জন্য কোন প্রার্থী খেসিসের কোন বিষয়ের প্রস্তাব করিলে অ্যাডভান্সড স্টাডিজ বোর্ডের রিপোর্ট বিবেচনার পর তাহা অনুমোদন বা প্রত্যাখ্যান করা ;

তবে শর্ত থাকে যে, একাডেমিক কাউন্সিল এবং অ্যাডভান্সড স্টাডিজ বোর্ডের মধ্যে কোন মতানৈক্য হইলে সিদ্ধান্তের জন্য উভয় সংস্থার মতামত সিন্ডিকেটের নিকট পেশ করা হইবে এবং এই ব্যাপারে সিন্ডিকেটের সিদ্ধান্তই চূড়ান্ত হইবে ;

- (ঞ) অন্যান্য বিশ্ববিদ্যালয় বা বোর্ডের পরীক্ষা এই বিশ্ববিদ্যালয়ের অনুরূপ পরীক্ষার সমমানসম্পন্ন হিসাবে স্বীকৃতি দেওয়া ;
- (ট) বিশ্ববিদ্যালয়ের অধ্যাপনা ও গবেষণার ক্ষেত্রে নবতর উন্নয়নের প্রস্তাবের উপর সিন্ডিকেটকে পরামর্শ দেওয়া ;
- (ঠ) বিশ্ববিদ্যালয়ের গ্রন্থাগার ব্যবহার সংক্রান্ত বিধি প্রণয়ন ও সংশোধন করা ;
- (ড) মহাবিদ্যালয় ও ইন্সটিটিউটের অধিভুক্তি বা অধিভুক্তি বাতিলের জন্য সিন্ডিকেটের নিকট সুপারিশ করা ;
- (ঢ) বিশ্ববিদ্যালয় গবেষণা উন্নয়নের সুপারিশ করা এবং ইহার নিকট প্রেরিত শিক্ষা সংক্রান্ত অন্যান্য বিষয়ে সিন্ডিকেটকে পরামর্শ দান করা ;
- (ণ) নূতন স্কুল অব স্টাডিজ প্রতিষ্ঠা এবং কোন স্কুল গবেষণা প্রতিষ্ঠান ও যাদু ঘরে নূতন বিষয় প্রবর্তনের জন্য প্রস্তাব সিন্ডিকেটের বিবেচনার জন্য পেশ করা ;

(৩) অধ্যাপক, সহযোগী অধ্যাপক, সহকারী অধ্যাপক, প্রভাষক বা অন্যান্য শিক্ষকের পদ সৃষ্টি বা সাময়িকভাবে স্থগিত রাখার প্রস্তাব বিবেচনা করা এবং তৎসম্পর্কে সিন্ডিকেটের নিকট সুপারিশ করা।

২৮। স্কুল অব স্টাডিজ।— (১) বিশ্ববিদ্যালয়ে প্রাথমিক পর্যায়ে নিম্নোক্তিত স্কুল সমূহ থাকিবে, যাহা সংশ্লিষ্ট ডিসিপ্লিন এবং অধ্যয়ন ক্ষেত্র ও ইনস্টিটিউট সমন্বয়ে গঠিত হইবে, যথা:—

(ক) স্কুল-অব-ফিজিক্যাল সায়েন্সেস;

(খ) স্কুল-অব-লাইফ সায়েন্সেস;

(গ) স্কুল-অব-এগ্রিকালচার এ্যান্ড মিনারেল সায়েন্সেস;

(ঘ) স্কুল-অব-এপ্লাইড সায়েন্সেস এ্যান্ড টেকনোলজি;

(ঙ) স্কুল-অব-সোশ্যাল সায়েন্সেস;

(চ) স্কুল-অব-ম্যানেজমেন্ট এ্যান্ড বিজনেস এ্যাডমিনিস্ট্রেশন;

(ছ) আধুনিক ভাষা ইনস্টিটিউট।

(২) একাডেমিক কাউন্সিলের নিয়ন্ত্রণ সাপেক্ষে, প্রত্যেক স্কুল অব স্টাডিজ সংবিধি ও বিশ্ববিদ্যালয় অধ্যাদেশ দ্বারা নির্দিষ্ট বিষয়ে অধ্যাপনা ও গবেষণা পরিচালনার দায়িত্বে থাকিবে।

(৩) স্কুল-অব-স্টাডিজের গঠন
অধ্যাদেশ দ্বারা নিৰ্দ্ধারিত হইবে

কার্যাবলী

(৪) প্রত্যেক স্কুল অব স্টাডিজের একজন করিয়া ডীন থাকিবেন এবং তিনি, ডাইস-চ্যান্সেলরের নিয়ন্ত্রণ ও সাধারণ তত্ত্বাবধান সাপেক্ষে স্কুল অব স্টাডিজ সম্পর্কিত সংবিধি বিশ্ববিদ্যালয় অধ্যাদেশ ও প্রবিধান যথাযথভাবে পালনের জন্য দায়ী থাকিবেন।

(৫) প্রত্যেক স্কুল অব স্টাডিজের একজন প্রবীন অধ্যাপক হার ডীন হইবেন এবং তিনি উক্ত পদে দুই বৎসরের জন্য বহাল থাকিবেন।

(৬) প্রত্যেক স্কুলের বিভিন্ন ডিসিপ্লিনের মধ্যে, জ্যেষ্ঠতার ভিত্তিতে উহার ডীন পদ আবর্তিত হইবে।

২৯। ডিসিপ্লিন।— (১) বিশ্ববিদ্যালয়ে শিক্ষাদান করা হয় এমন এক একটি বিষয়ের সকল শিক্ষকের সমন্বয় এক একটি ডিসিপ্লিন গঠিত হইবে।

(২) সংশ্লিষ্ট বিষয়ের প্রবীনতম শিক্ষক ডিসিপ্লিনের প্রধান হইবেন এবং তিনি ডাইস-চ্যান্সেলর ও ডীনের নিয়ন্ত্রণ ও সাধারণ তত্ত্বাবধান সাপেক্ষে, ডিসিপ্লিনের কার্যাবলীর পরিকল্পনা ও সমন্বয়-সাধনের জন্য দায়ী থাকিবেন।

(৩) ডিসিপ্লিনের প্রধান সংবিধি ও বিশ্ববিদ্যালয় অধ্যাদেশ দ্বারা নির্ধারিত অন্যান্য ক্ষমতা প্রয়োগে ও দায়িত্ব পালন করিবেন।

(৩০) পাঠ্যক্রম কমিটি।— প্রত্যেক স্কুল অব স্টাডিজ নির্ধারিত ক্ষমতা ও দায়িত্ব পালনের জন্য সংবিধি দ্বারা পাঠ্যক্রম কমিটি থাকিবে।

৩১। বোর্ড অব এডভান্সড স্টাডিজ।—বিশ্ববিদ্যালয়ে স্নাতকোত্তর শিক্ষা ও গবেষণার ব্যবস্থার জন্য একটি এডভান্সড স্টাডিজ বোর্ড থাকিবে এবং উহা সংবিধি দ্বারা নির্ধারিত পদ্ধতিতে গঠিত হইবে।

৩২। অর্থ-কমিটি।—নিম্নবর্ণিত সদস্যগণের সমন্বয়ে অর্থ কমিটি গঠিত হইবে, যথা :—

(ক) ভাইস-চ্যান্সেলর, যিনি ইহার চেয়ারম্যানও হইবেন ;

(খ) প্রো-ভাইস-চ্যান্সেলর, যদি থাকেন ;

(গ) কোষাধ্যক্ষ ;

(ঘ) একাডেমিক কাউন্সিলের মনোনীত একজন ডীন ;

(ঙ) সিন্ডিকেটের মনোনীত একজন ব্যক্তি ;

(চ) সিনেটের মনোনীত ব্যক্তি ;

(ছ) সরকারের মনোনীত একজন সরকারী কর্মকর্তা যিনি কমপক্ষে যুগ্ম-সচিবের পদমর্যাদাসম্পন্ন হইবেন ;

(জ) চ্যান্সেলরের মনোনীত একজন অর্থ-বিশারদ।

(২) হিসাব পরিচালক অর্থ-কমিটির সচিব হইবেন।

(৩) অর্থ কমিটির কোন মনোনীত সদস্য দুই বৎসরের জন্য সদস্য পদে অধিষ্ঠিত থাকিবেন এবং মনোনীত উত্তরাধিকারী কার্যভার গ্রহণ না করা পর্যন্ত তিনি ঐ পদে বহাল থাকিবেন।

(৪) অর্থ কমিটি—

(ক) বিশ্ববিদ্যালয়ের আয় ও ব্যয়ের তত্ত্বাবধান করিবে ;

(খ) বিশ্ববিদ্যালয়ের অর্থ, তহবিল, সম্পদ ও হিসাব-নিকাশ সংক্রান্ত যাবতীয় বিষয়ে সিন্ডিকেটকে পরামর্শ দিবে ;

(গ) সংবিধি দ্বারা নির্ধারিত অথবা ভাইস-চ্যান্সেলর, সিনেট বা সিন্ডিকেট কর্তৃক প্রদত্ত অন্যান্য দায়িত্ব পালন করিবে।

৩৩। পরিকল্পনা ও উন্নয়ন কমিটি।—(১) নিম্নবর্ণিত সদস্যগণের সমন্বয়ে পরিকল্পনা ও উন্নয়ন কমিটি গঠিত হইবে, যথা :—

(ক) ভাইস-চ্যান্সেলর, যিনি ইহার চেয়ারম্যানও হইবেন ;

(খ) প্রো-ভাইস-চ্যান্সেলর, যদি থাকেন ;

(গ) কোষাধ্যক্ষ ;

(ঘ) ভাইস-চ্যান্সেলর কর্তৃক পালাক্রমে মনোনীত স্কুলের দুইজন ডীন ;

(ঙ) সিন্ডিকেট কর্তৃক মনোনীত উহার একজন সদস্য যিনি বিশ্ববিদ্যালয়ের কর্মচারী নহেন ;

(চ) বিশ্ববিদ্যালয়ের বাহির হইতে সরকার কর্তৃক মনোনীত একজন স্থপতি ;

(ছ) বিশ্ববিদ্যালয়ের বাহির হইতে সরকার কর্তৃক মনোনীত একজন অর্থ-বিশারদ।
 (২) পরিকল্পনা ও উন্নয়ন কমকর্তা পরিকল্পনা ও উন্নয়ন কমিটির সচিব থাকিবেন।
 (৩) পরিকল্পনা ও উন্নয়ন কমিটির কোন মনোনীত সদস্য দুই বৎসরের জন্য সদস্যপদে অধিষ্ঠিত থাকিবেন এবং মনোনীত উত্তরাধিকারী কার্যভার গ্রহণ না করা পর্যন্ত তিনি ঐ পদে বহাল থাকিবেন।

(৪) পরিকল্পনা ও উন্নয়ন কমিটি সিন্ডিকেটের নিকট বিশ্ববিদ্যালয়ের একাডেমীয় ও ভৌত পরিকল্পনার প্রস্তাব করিবে এবং সংবিধি দ্বারা নির্ধারিত কিংবা ডাইস-চ্যান্সেলর, সিনেট বা সিন্ডিকেট কর্তৃক প্রদত্ত অন্যান্য কার্যাবলী সম্পাদন করিবে।

৩৪। বাছাই বোর্ড।—(১) বিশ্ববিদ্যালয়ের শিক্ষক ও কর্মকর্তা নিয়োগে সুপারিশ করার জন্য বাছাই বোর্ড থাকিবে।

(২) বাছাই বোর্ডের গঠন এবং কার্যাবলী সংবিধি দ্বারা নির্ধারিত হইবে।

(৩) বাছাই বোর্ডের সুপারিশের সহিত সিন্ডিকেট একমত না হইলে বিষয়টির চূড়ান্ত সিদ্ধান্তের জন্য চ্যান্সেলরের নিকট প্রেরণ করিতে হইবে।

৩৫। বিশ্ববিদ্যালয়ের অন্যান্য কর্তৃপক্ষ।—সংবিধি দ্বারা বিশ্ববিদ্যালয়ের কর্তৃপক্ষ হিসাবে ঘোষিত অন্যান্য কর্তৃপক্ষের গঠন, ক্ষমতা ও কার্যাবলী সংবিধি দ্বারা নির্ধারিত হইবে।

৩৬। শৃংখলা বোর্ড।—(১) বিশ্ববিদ্যালয়ের একটি শৃংখলা বোর্ড থাকিবে।

(২) শৃংখলা বোর্ডের গঠন, ক্ষমতা ও কার্যাবলী সংবিধি ও বিশ্ববিদ্যালয় অধ্যাদেশ দ্বারা নির্ধারিত হইবে।

৩৭। বিশ্ববিদ্যালয়ের শিক্ষক।—বিশ্ববিদ্যালয়ের শিক্ষক—

(ক) বক্তৃতা, টিউটরিয়াল, আলোচনা, সেমিনার, হাতে-কলমে প্রদর্শন ও কর্ম-শিবিরের মাধ্যমে ছাত্রদিগকে শিক্ষাদান করিবেন ;

(খ) গবেষণার পরিচালনা ও তত্ত্বাবধান করিবেন ;

(গ) ছাত্রদের সহিত ব্যক্তিগতভাবে যোগাযোগ করিবেন, তাহাদিগকে পথ-নির্দেশ দিবেন এবং তাহাদের কার্যক্রম তদারক করিবেন ;

(ঘ) বিশ্ববিদ্যালয়ের এবং উহার স্কুল ও অন্যান্য সহ-শিক্ষাক্রমিক সংস্থার পাঠ্যক্রম ও পাঠ্যসূচী প্রণয়নে, পরীক্ষা নির্ধারণে ও পরিচালনায়, পরীক্ষা উত্তরপত্র ও গবেষণামূলক প্রবন্ধের মূল্যায়নে এবং গ্রন্থাগার, পরীক্ষাগার ও অন্যান্য শিক্ষাক্রমিক ও সহ-শিক্ষাক্রমিক কার্যাবলীর সংগঠনে কর্তৃপক্ষসমূহকে সহয়তা করিবেন ;

(ঙ) সংবিধি দ্বারা নির্ধারিত অথবা ডাইস-চ্যান্সেলর, ডীন ও ডিসিপ্লিনের প্রধান কর্তৃক প্রদত্ত অন্যান্য কার্য ও দায়িত্ব সম্পাদন ও পালন করিবেন।

৩৮। সংবিধি।—এই আইনের বিধান সাপেক্ষে, সংবিধি দ্বারা নিম্নবর্ণিত সকল বা গে কোন বিষয় সম্পর্কে বিধান করা যাইবে, যথা :—

(ক) সম্মানসূচক ডিগ্রী অর্পণ ;

- (খ) ফেলোশীপ, বৃত্তি ও পুরস্কার প্রবর্তন ;
- (গ) বিশ্ববিদ্যালয়ের শিক্ষক ও কর্মকর্তাগণের পদবী, ক্ষমতা, কর্তব্য ও কর্মের শর্তাবলী;
- (ঘ) বিশ্ববিদ্যালয়ের কর্তৃপক্ষের গঠন, ক্ষমতা ও কর্তব্য;
- (ঙ) মহাবিদ্যালয়, ইনস্টিটিউট, হল ও হোস্টেলের প্রতিষ্ঠা এবং উহাদের রক্ষণাবেক্ষণ ;
- (চ) বিশ্ববিদ্যালয় কর্তৃক রক্ষণাবেক্ষণ করা হয় না এমন মহাবিদ্যালয় ও হোস্টেলের স্বীকৃতির শর্তাবলী ;
- (ছ) অধিভুক্ত মহাবিদ্যালয়ের গভার্ণিং বডির গঠন, ক্ষমতা ও কর্তব্য ;
- (জ) বিশ্ববিদ্যালয়ের শিক্ষকের নিয়োগ ও স্বীকৃতির পদ্ধতি ;
- (ঝ) বিশ্ববিদ্যালয়ের শিক্ষক, কর্মকর্তা ও অন্যান্য কর্মচারীর কল্যাণার্থে অবসর ভাতা, গোল্ডী-বীমা, কল্যাণ ও ভবিষ্যৎ তহবিল গঠন ;
- (ঞ) রেজিস্টারভুক্ত গ্রাজুয়েটদের রেজিস্টার সংরক্ষণ ;
- (ট) এই আইনের অধীনে সংবিধি দ্বারা নির্ধারিত হইবে বা হইতে পারে এইরূপ অন্যান্য বিষয় ।

৩৯। সংবিধি প্রণয়ন।—(১) এই ধারায় বর্ণিত পদ্ধতিতে সিন্ডিকেট সংবিধি প্রণয়ন, সংশোধন বা বাতিল করিতে পারিবে।

(২) তফসিলে বর্ণিত বিশ্ববিদ্যালয়ের প্রথম সংবিধি চ্যাম্পেনরের অনুমোদন বাতীল সংশোধন বা বাতিল করা যাইবে না।

(৩) সিন্ডিকেট কর্তৃক প্রণীত সকল সংবিধি অনুমোদনের জন্য সিনেটে পেশ করিতে হইবে।

(৪) কোন সংবিধি অনুমোদনের জন্য প্রস্তাব প্রাপ্তির পর সিনেট সংবিধিটি বা উহার কোন বিধান পূর্ণ বিবেচনার জন্য অথবা উহাতে সিনেট কর্তৃক নির্দেশিত কোন সংশোধন বিবেচনার জন্য প্রস্তাবসহ সংবিধিটি সিন্ডিকেটের নিকট ফেরৎ পাঠাইতে পারিবে : কিন্তু সিন্ডিকেট যদি সংবিধিটি নির্দেশিত সংশোধনসহ বা ব্যতিরেকে সিনেটে পেশ করে তাহা হইলে উহা, সিনেটের মোট সদস্যের দুই-তৃতীয়াংশ ভোটে অগ্রাহ্য না হইলে, অনুমোদিত হইয়াছে বলিয়া গণ্য হইবে ;

তবে শর্ত থাকে যে, বিশ্ববিদ্যালয়ের শিক্ষক, কর্মকর্তা ও অন্যান্য কর্মচারীর কর্মের শর্তাবলী সংক্রান্ত সংবিধি সিনেটে পেশ করিতে হইবে ঘটে কিন্তু সিনেট কর্তৃক উহা অনুমোদনের প্রয়োজন হইবে না।

(৫) সিনেট কর্তৃক অনুমোদিত বা অনুমোদিত বলিয়া গণ্য না হইলে সিন্ডিকেটের প্রস্তাবিত কোন সংবিধি বৈধ হইবে না।

(৬) এই আইনে উল্লিখিত কোন বিধান না থাকিলে, সিন্ডিকেট বিশ্ববিদ্যালয়ের কোন কর্তৃপক্ষের মর্মান্দা, ক্ষমতা ও গঠন ক্ষুণ্ণকারী কোন সংবিধি প্রণয়নের প্রস্তাব, উক্ত প্রস্তাবের উপর উক্ত কর্তৃপক্ষকে মতব্য প্রকাশের সুযোগ না দেওয়া পর্যন্ত, করিতে পারিবে না ; এবং এইরূপ কোন মতামত লিখিতভাবে হইতে হইবে এবং উহা প্রস্তাবিত সংবিধির খসড়াসহ সিনেটে পেশ করিতে হইবে।

৪০। বিশ্ববিদ্যালয় অধ্যাদেশ।— এই আইন ও সংবিধির বিধান সাপেক্ষে, বিশ্ববিদ্যালয় অধ্যাদেশ দ্বারা নিম্নবর্ণিত সকল বা যে কোন বিষয় সম্পর্কে বিধান করা যাইবে, যথা :—

(ক) বিশ্ববিদ্যালয় ও মহাবিদ্যালয়ে ছাত্র ভর্তি এবং তাহাদের তালিকাভুক্তি ;

- (খ) বিশ্ববিদ্যালয়ের ডিগ্রী, সার্টিফিকেট ও ডিপ্লোমার পাঠ্যক্রম ;
- (গ) বিশ্ববিদ্যালয়ের ডিগ্রী, সার্টিফিকেট বা ডিপ্লোমা কোর্সে ভর্তি এবং উহার বিভিন্ন পরীক্ষায় অংশ গ্রহণ এবং উহার ডিগ্রী, সার্টিফিকেট ও ডিপ্লোমা পাওয়ার যোগ্যতার শর্তাবলী ;
- (ঘ) বিশ্ববিদ্যালয়ের ছাত্রদের বসবাসের শর্তাবলী ;
- (ঙ) বিশ্ববিদ্যালয় বা মহাবিদ্যালয়ের পাঠ্যক্রমে এবং বিশ্ববিদ্যালয়ের পরীক্ষা, ডিগ্রী সার্টিফিকেট ও ডিপ্লোমায় ভর্তির জন্য আদায়যোগ্য ফিস ;
- (চ) বিশ্ববিদ্যালয়ের বিভিন্ন স্থায়ী কমিটির গঠন এবং উহাদের ক্ষমতা ও দায়িত্ব ;
- (ছ) পরীক্ষা পরিচালনা ; এবং
- (জ) এই আইন বা সংবিধির অধীনে বিশ্ববিদ্যালয় অধ্যাদেশ দ্বারা নির্ধারিত হইবে অথবা হইতে পারে এইরূপ অন্যান্য বিষয় ।
- (৪১) বিশ্ববিদ্যালয় অধ্যাদেশ প্রণয়ন ।— বিশ্ববিদ্যালয় অধ্যাদেশ সিভিকিট কর্তৃক প্রণীত হইবে ;

তবে শর্ত থাকে যে, নিম্নবর্ণিত বিষয়ে একাডেমিক কাউন্সিলের সুপারিশ বাতীত বিশ্ববিদ্যালয় অধ্যাদেশ প্রণয়ন করা যাইবে না, যথা :—

- (ক) শিক্ষা ডিসিপ্লিন প্রতিষ্ঠা ;
- (খ) বিশ্ববিদ্যালয়ে ছাত্রদের রেজিষ্ট্রেশন ,
- (গ) বিশ্ববিদ্যালয় ও শিক্ষা প্রতিষ্ঠান কর্তৃক পরিচালিত পরীক্ষাসমূহের সমতা ;
- (ঘ) ছাত্রদের বসবাসের শর্তাবলী ;
- (ঙ) পরীক্ষা পরিচালনা ;
- (চ) পরীক্ষকের নিয়োগ পদ্ধতি ;
- (ছ) ফেলোশীপ ও বৃত্তির প্রবর্তন ;
- (জ) বিশ্ববিদ্যালয় কর্তৃক প্রদত্ত সকল ডিগ্রী, ডিপ্লোমা ও সার্টিফিকেটের জন্য পাঠ্যসূচী প্রণয়ন ও পাঠ্যক্রম নির্ধারণ ;
- (ঝ) বিশ্ববিদ্যালয়ে ছাত্র ভর্তি এবং তাদের তালিকাভুক্তি ;
- (ঞ) বিশ্ববিদ্যালয়ের ডিগ্রী, সার্টিফিকেট বা ডিপ্লোমা কোর্সে ভর্তি, উহার বিভিন্ন পরীক্ষায় অংশ গ্রহণের এবং উহার ডিগ্রী, সার্টিফিকেট ও ডিপ্লোমা পাওয়ার যোগ্যতার শর্তাবলী ।

৪২। প্রবিধান ।— (১) বিশ্ববিদ্যালয়ের কর্তৃপক্ষ এবং অন্যান্য সংস্থাসমূহ নিম্নবর্ণিত উদ্দেশ্যে এই আইন, সংবিধি ও বিশ্ববিদ্যালয় অধ্যাদেশের সহিত সংগতিপূর্ণ প্রবিধান প্রণয়ন করিতে পারিবে, যথা—

- (ক) তাহাদের সভায় অনুসরণীয় কার্যবিধি প্রণয়ন এবং কোরাম গঠনের জন্য প্রয়োজনীয় সদস্য সংখ্যা নির্ধারণ করিবে ;
- (খ) এই আইন, সংবিধি বা বিশ্ববিদ্যালয় অধ্যাদেশ মোতাবেক প্রবিধান দ্বারা নির্ধারণযোগ্য সকল বিষয়ের উপর বিধান করিবে ;
- (গ) কেবলমাত্র উক্ত কর্তৃপক্ষসমূহের সাথে সংশ্লিষ্ট, অথচ এই আইন, সংবিধি বা বিশ্ববিদ্যালয় অধ্যাদেশ বিধৃত নয় এইরূপ সকল বিষয়ে বিধান করিবে ।

(২) বিশ্ববিদ্যালয়ের প্রত্যেক কর্তৃপক্ষ বা সংস্থা উহার সভার তারিখ এবং বিবেচ্য বিষয় সম্পর্কে উক্ত কর্তৃপক্ষের বা সংস্থার সদস্যগণকে নোটিশ প্রদান করার জন্য এবং সভার কার্যবিবরণীর রেকর্ড রাখার জন্য প্রবিধান প্রণয়ন করিবে।

(৩) সিভিকিট এই ধারার অধীনে প্রণীত কোন প্রবিধান তৎকর্তৃক নির্ধারিত প্রকারে সংশোধন করার বা (১) উপ-ধারার অধীনে প্রণীত কোন প্রবিধান বাতিল করার নির্দেশ দিতে পারিবে ;

তবে শর্ত থাকে যে, বিশ্ববিদ্যালয়ের কোন কর্তৃপক্ষ বা সংস্থা অনুরূপ নির্দেশে অসন্তুষ্ট হইলে চ্যান্সেলরের নিকট আপীল করিতে পারিবে এবং এই ব্যাপারে চ্যান্সেলরের সিদ্ধান্তই চূড়ান্ত হইবে।

৪৩। মহাবিদ্যালয়ের অধিভুক্তি ও অধিভুক্তি বাতিল।—(১) কোন মহাবিদ্যালয় এই আইনে বিধৃত শর্তাবলী পূরণ না করিলে উহাকে অধিভুক্ত করা হইবে না।

(২) অধিভুক্তি ও অধিভুক্তি বাতিল সম্পর্কিত যাবতীয় ব্যাপারে সিভিকিট একাডেমিক কাউন্সিলের সুপারিশক্রমে পরিচালিত হইবে।

(৩) অধিভুক্ত মহাবিদ্যালয়ে বসবাস ও শিক্ষাদানে শর্তাবলী বিশ্ববিদ্যালয় অধ্যাদেশ দ্বারা নির্ধারিত হইবে।

(৪) ডাইস-চ্যান্সেলর বা সিভিকিট কর্তৃক প্রদত্ত ক্ষমতাবলে বিশ্ববিদ্যালয়ের কোন কর্মকর্তা অধিভুক্ত প্রত্যেক মহাবিদ্যালয় বা ইনস্টিটিউট পরিদর্শন করিবেন।

(৫) কোন মহাবিদ্যালয় উহার অনুমোদিত পাঠ্যক্রমের সহিত নতুন কোন বিষয় সংযোজন করিবার জন্য আগ্রহী হইলে উহাকে এতদসম্পর্কিত নির্ধারিত পদ্ধতি অনুসরণ করিতে হইবে।

(৬) সংবিধি বা বিশ্ববিদ্যালয় অধ্যাদেশ দ্বারা নির্ধারিত বা স্বীকৃতির তারিখে বা উহার পরে সিভিকিট কর্তৃক আরোপিত কোন শর্ত কোন মহাবিদ্যালয় পালনে ব্যর্থ হইলে সিভিকিট, যথাস্থ তদন্তের পর, উক্ত মহাবিদ্যালয়কে প্রদত্ত স্বীকৃতি প্রত্যাহার করিতে পারিবে।

৭। সিভিকিট উক্ত মহাবিদ্যালয়কে এইরূপ তদন্তে উপস্থিত হওয়ার এবং উহার পক্ষ হইতে বক্তব্য পেশ করিবার সুযোগ দিবে এবং এ ব্যাপারে সিভিকিট উহার সিদ্ধান্ত মহাবিদ্যালয়কে অবহিত করিবে।

৪৪। মহাবিদ্যালয় সম্পর্কিত সাধারণ বিধান।—(১) প্রত্যেক অধিভুক্ত বেসরকারী মহাবিদ্যালয় সর্বসাধারণের শিক্ষা-প্রতিষ্ঠান হইবে এবং উহার সম্পূর্ণ তহবিল উহার দ্বারা শিক্ষা দানের উদ্দেশ্যে ব্যয় করা হইবে।

(২) প্রত্যেক অধিভুক্ত বেসরকারী মহাবিদ্যালয় একটি গভর্নিং বডি দ্বারা পরিচালিত হইবে এবং উক্ত গভর্নিং বডির গঠন, ক্ষমতা ও কার্যাবলী সংবিধি দ্বারা নির্ধারিত হইবে।

(৩) প্রত্যেক অধিভুক্ত সরকারী মহাবিদ্যালয়ের গভর্নিং বডি এতদুদ্দেশ্যে সরকার কর্তৃক প্রণীত বিধিমালা অনুসারে গঠিত হইবে।

(৪) মহাবিদ্যালয়ের অধ্যক্ষ বা প্রধান উহার অভ্যন্তরীণ প্রশাসন ও শৃঙ্খলার জন্য দায়ী থাকিবেন।

(৫) প্রত্যেক মহাবিদ্যালয় সিভিকিটকে এই মর্মে সন্তুষ্ট করিবে যে মহাবিদ্যালয়টিকে অব্যাহতভাবে এবং দক্ষতার সহিত রক্ষণাবেক্ষণের জন্য উহার পর্যাপ্ত আর্থিক সংগতি আছে ;

(৬) মহাবিদ্যালয় কর্তৃক ধার্যকৃত ছাত্র-বেতন ও অন্যান্য ফিস এতদুদ্দেশ্যে বিশ্ববিদ্যালয় অধ্যাদেশ দ্বারা নির্ধারিত সর্বনিম্ন হারের কম বা সর্বোচ্চ হারের অধিক হইবে না।

(৭) প্রত্যেক মহাবিদ্যালয় সংশ্লিষ্ট বিশ্ববিদ্যালয়ের সংবিধি, অধ্যাদেশ ও প্রবিধান মানিয়া চলিবে।

(৮) মহাবিদ্যালয়ের ছাত্র ভর্তি এতদুদ্দেশ্যে প্রণীত বিশ্ববিদ্যালয় অধ্যাদেশ ও প্রবিধান দ্বারা নির্ধারিত শর্ত সাপেক্ষে হইবে।

(৯) প্রত্যেক মহাবিদ্যালয় সাধারণতঃ বিশ্ববিদ্যালয়ের টার্ম, অবকাশ ও ছুটির সংসে সামঞ্জস্য রক্ষা করিবে।

(১০) প্রত্যেক মহাবিদ্যালয় বিশ্ববিদ্যালয় অধ্যাদেশ দ্বারা নির্ধারিত রেজিস্ট্রার ও রেকর্ড-পত্র সংরক্ষণ করিবে এবং বিশ্ববিদ্যালয় কর্তৃক সময়ে সময়ে নির্দেশিত পরিসংখ্যানমূলক বা অন্যবিধ তথ্য সরবরাহ করিবে।

(১১) প্রত্যেক মহাবিদ্যালয় প্রত্যেক বৎসর উহার বিগত বৎসরের কাজকর্মের উপর একটি প্রতিবেদন সিন্ডিকেটের নিকট তৎকর্তৃক নির্দিষ্ট তারিখের মধ্যে পেশ করিবে; এই প্রতিবেদনে মহাবিদ্যালয়ের ব্যবস্থাপনা-কর্মচারী ও ছাত্র সংখ্যার কোন পরিবর্তন হইয়া থাকিলে উহার বিবরণ ও কারণ উল্লেখ থাকিবে এবং ইহার সংগে আয়-ব্যয়ের হিসাব এবং অন্যান্য প্রয়োজনীয় তথ্যও সন্নিবেশিত থাকিবে।

(১২) বিশ্ববিদ্যালয়ের অনুমোদনক্রমে বিলুপ্ত কোন মহাবিদ্যালয়ের সম্পদ, এতৎসংক্রান্ত ব্যবস্থার অবর্তমানে সরকারের অনুমোদনক্রমে মহাবিদ্যালয়ের গভর্নিং বডি বিলি বন্টন করিবে।

(১৩) সরকার কর্তৃক নির্ধারিত বিধি অনুসারে গভর্নিং বডি মহাবিদ্যালয়ের শিক্ষক ও অন্যান্য কর্মচারীর জন্য ভবিষ্যৎ-তহবিল গঠন করিবে।

(১৪) বেসরকারী মহাবিদ্যালয়ের মালিকানাধীন অথবা উহার গভর্নিং বডির নিয়ন্ত্রণাধীন অস্থি-তহবিল মহাবিদ্যালয়ের হিসাব নিকাশ পৃথকভাবে দেখাইতে হইবে।

(১৫) বেসরকারী মহাবিদ্যালয়ের মালিকানাধীন অথবা উহার গভর্নিং বডির নিয়ন্ত্রণাধীন তহবিল বা অস্থি-তহবিল বিনিয়োগের জন্য আইন দ্বারা অনুমোদিত সম্পত্তি বা ঋণের বা সম্পত্তির নিদর্শনপত্র বা সরকার কর্তৃক সময় সময় অনুমোদিত অন্যান্য শ্রেণীর ঋণের বা সম্পত্তির নিদর্শন পত্র বিনিয়োগ করিতে হইবে।

৪৫। আবাসস্থল।—বিশ্ববিদ্যালয়ের প্রত্যেক ছাত্র সংবিধি ও বিশ্ববিদ্যালয় অধ্যাদেশ দ্বারা নির্ধারিত স্থান ও শর্তাধীনে বসবাস করিবে।

৪৬। হল।—বিশ্ববিদ্যালয়ের হলসমূহ সংবিধি দ্বারা নির্ধারিত ধরনের হইবে।

৪৭। হোস্টেল।—(১) বিশ্ববিদ্যালয়ের ছাত্রদেস্ত হোস্টেলসমূহ বিশ্ববিদ্যালয় অধ্যাদেশের বিধান মোতাবেক সিন্ডিকেট কর্তৃক অনুমোদিত এবং লাইসেন্স প্রদত্ত হইবে।

(২) হোস্টেলের ওয়ার্ডেন এবং তত্ত্বাবধানকারী কর্মচারী সংবিধি দ্বারা নির্ধারিত পদ্ধতিতে নিযুক্ত হইবেন।

(৩) হোস্টেলের বসবাসের শর্তাবলী বিশ্ববিদ্যালয় অধ্যাদেশ দ্বারা নির্ধারিত হইবে।

(৪) প্রত্যেক হোস্টেল ডিসপ্লিন বোর্ডের অনুমতিপ্রাপ্ত উহার কোন সদস্য এবং সিন্ডিকেটের অনুমতিপ্রাপ্ত বিশ্ববিদ্যালয়ের কোন কর্মকর্তার পরিদর্শনাধীন থাকিবে।

(৫) বিশ্ববিদ্যালয় অধ্যাদেশের বিধান অনুসারে পরিচালিত না হইলে সিন্ডিকেট কোন হোস্টেলের লাইসেন্স স্বীকৃত না প্রত্যাহার করিতে পারিবে।

৪৮। বিশ্ববিদ্যালয়ের পাঠ্যক্রমে ভর্তি।— (১) এই আইনের এবং সংবিধির বিধান সাপেক্ষে, বিশ্ববিদ্যালয়ের স্নাতক-পূর্ব স্নাতকোত্তর ও অন্যান্য পাঠ্যক্রমে ছাত্র ভর্তি একাডেমিক কাউন্সিল কর্তৃক প্রত্যেক্ষে নিম্নলিখিত ভর্তি কমিটি কর্তৃক প্রণীত বিধি দ্বারা পরিচালিত হইবে।

(২) কোন ছাত্র বাংলাদেশের কোন মাধ্যমিক ও উচ্চ মাধ্যমিক শিক্ষা বোর্ডের কিংবা বাংলাদেশে আপাততঃ বলবৎ কোন আইন দ্বারা সংগঠিত কোন উচ্চ মাধ্যমিক পরীক্ষায় কিংবা সংবিধি দ্বারা সমমানের বলিয়া স্বীকৃত অন্য কোন পরীক্ষায় উত্তীর্ণ না হইয়া থাকিলে এবং বিশ্ববিদ্যালয় অধ্যাদেশ দ্বারা নির্ধারিত অন্যান্য যোগ্যতা তাহার না থাকিলে বিশ্ববিদ্যালয়ের অথবা উহার অধিভুক্ত কোন মহাবিদ্যালয়ের ডিগ্রী কোর্সের কোন পাঠ্যক্রমে ভর্তির যোগ্য হইবে না।

(৩) যে সকল শর্তাধীনে বিশ্ববিদ্যালয়ের ডিগ্রী, ডিপ্লোমা, সার্টিফিকেট ও স্নাতকোত্তর পাঠ্যক্রমে ছাত্র ভর্তি করা হইবে তাহা সংবিধি ও বিশ্ববিদ্যালয় অধ্যাদেশ দ্বারা নির্ধারিত হইবে।

(৪) কোন পাঠ্যক্রমে ডিগ্রীর জন্য ভর্তির উদ্দেশ্যে বিশ্ববিদ্যালয়, বিশ্ববিদ্যালয় অধ্যাদেশ দ্বারা নির্ধারিত পদ্ধতিতে অন্য কোন বিশ্ববিদ্যালয় কর্তৃক প্রদত্ত ডিগ্রীকে তৎকর্তৃক প্রদত্ত কোন ডিগ্রীর সমমানের বলিয়া স্বীকৃতি দান করিতে পারিবে অথবা স্বীকৃত কোন বিশ্ববিদ্যালয় বা বোর্ডের মাধ্যমিক ও উচ্চ মাধ্যমিক পরীক্ষা ব্যতীত অন্য কোন পরীক্ষাকে উচ্চ মাধ্যমিক পরীক্ষার সমমানের বলিয়া স্বীকৃতি দান করিতে পারিবে।

৪৯। পরীক্ষা।— (১) ডাইস-চ্যান্সেলরের সাধারণ নিয়ন্ত্রণাধীনে পরীক্ষা নিয়ন্ত্রক পরীক্ষা পরিচালনার জন্য যাবতীয় ব্যবস্থা গ্রহণ করিবেন।

(২) একাডেমিক কাউন্সিল পরীক্ষা-কমিটিসমূহ নিয়োগ করিবে এবং উহাদের গঠন, ক্ষমতা ও কার্যাবলী বিশ্ববিদ্যালয় অধ্যাদেশ দ্বারা নির্ধারিত হইবে।

(৩) কোন পরীক্ষার ব্যাপারে কোন পরীক্ষক কোন কারণে দায়িত্ব পালনে অসমর্থ হইলে ডাইস-চ্যান্সেলর তাহার শূন্য পদে অন্য একজন পরীক্ষককে নিয়োগ করিবেন।

৫০। পরীক্ষা পদ্ধতি।— (১) বিশ্ববিদ্যালয়ে কোর্স-কাম-ক্রেডিট পদ্ধতিতে পরীক্ষা গ্রহণ করা হইবে।

(২) সম্পূর্ণ পাঠ্যসূচীকে কয়েকটি পাঠ্যক্রমে বিভক্ত করা হইবে এবং প্রত্যেক পাঠ্যক্রমের সফলতার সংগে সমাপ্তি এবং উহার পরীক্ষা গ্রহণের পর পরীক্ষার্থীকে নম্বর প্রদান করা হইবে।

(৩) সম্পূর্ণ পাঠ্যক্রমে প্রাপ্ত নম্বরের যোগদানের ভিত্তিতে পরীক্ষার্থীকে ডিগ্রী প্রদান করা হইবে।

৫১। চাকরীর শর্তাবলী।— (১) বিশ্ববিদ্যালয়ের প্রত্যেক বেতনভোগী শিক্ষক ও কর্মকর্তা নিম্নলিখিত চুক্তির ভিত্তিতে নিযুক্ত হইবেন; চুক্তিটি বিশ্ববিদ্যালয়ের রেজিস্ট্রারের নিকট গচ্ছিত থাকিবে এবং সংশ্লিষ্ট শিক্ষক বা কর্মকর্তাকে উহার একটি অনুলিপি প্রদান করা হইবে।

(২) কোন শিক্ষক বা কর্মকর্তার রাজনৈতিক মতামত পোষণের স্বাধীনতা ক্ষণ না করিয়া তাহার চাকরীর শর্তাবলী নির্ধারণ করিতে হইবে; তবে তিনি তাহার উক্ত মতামত প্রচার করিতে পারিবেন না বা তিনি নিজেকে কোন রাজনৈতিক সংগঠনের সহিত জড়িত করিতে পারিবেন না।

(৩) বিশ্ববিদ্যালয়ের কোন বেতনভোগী শিক্ষক বা কর্মকর্তা সংসদ-সদস্য হিসাবে নির্বাচিত হওয়ার জন্য প্রার্থী হইতে চাহিলে তিনি তাহার মনোনয়নপত্র দাখিলের পূর্বে বিশ্ববিদ্যালয়ের চাকরী হইতে ইস্তফা দিবেন।

(৪) বিশ্ববিদ্যালয়ের কোন বেতনভোগী শিক্ষক বা কর্মকর্তাকে তাহার কর্তব্যে অবহেলা, অসদাচরণ, নৈতিক স্খলন বা অদক্ষতার কারণে সংবিধি ও বিশ্ববিদ্যালয় অধ্যাদেশ দ্বারা নির্ধারিত পদ্ধতিতে চাকুরী হইতে অপসারণ বা পদচ্যুত করা অথবা অন্য কোন প্রকার শাস্তি প্রদান করা যাইবে, কিন্তু তাহার বিরুদ্ধে আনীত অভিযোগ সম্পর্কে কোন তদন্ত কমিটি কর্তৃক তদন্ত অনুষ্ঠিত না হওয়া পর্যন্ত এবং তাহাকে বাস্তবিকভাবে বা কোন প্রতিনিধির মাধ্যমে আত্মপক্ষ সমর্থনের সুযোগ না দিয়া চাকুরী হইতে অপসারণ বা পদচ্যুত করা যাইবে না

৫২। বার্ষিক প্রতিবেদন।— বিশ্ববিদ্যালয়ের বার্ষিক প্রতিবেদন সিন্ডিকেটের নির্দেশ অনুসারে প্রস্তুত করিতে হইবে এবং পরবর্তী শিক্ষা বৎসরের ৩১শে জানুয়ারী তারিখে বা তৎপূর্বে উহা মঞ্জুরী কমিশনের নিকট পেশ করিতে হইবে।

৫৩। বার্ষিক হিসাব।— (১) বিশ্ববিদ্যালয়ের বার্ষিক হিসাব ও ব্যালেন্স সিট সিন্ডিকেটের নির্দেশ অনুসারে প্রস্তুত করিতে হইবে এবং উহা মঞ্জুরী কমিশনের মনোনীত কর্তৃপক্ষ কর্তৃক নিরীক্ষিত হইবে।

(২) বার্ষিক হিসাব নিরীক্ষা প্রতিবেদনের অনুলিপি সহ মঞ্জুরী কমিশনের নিকট পেশ করিতে হইবে।

৫৪। কর্তৃপক্ষের সদস্য হওয়ার ক্ষেত্রে বিধি নিষেধ।— কোন ব্যক্তি বিশ্ববিদ্যালয় বা মহাবিদ্যালয়ের কোন পদে অধিষ্ঠিত থাকার বা বিশ্ববিদ্যালয় বা কোন মহাবিদ্যালয়ের কোন কর্তৃপক্ষ বা অন্য কোন সংস্থার সদস্য হওয়ার বা থাকিবার যোগ্য হইবেন না যদি তিনি—

(ক) অপ্রকৃতিস্থ, বধির বা বোবা হন বা অন্য কোন কারণে তাহার দায়িত্ব পালনে অক্ষম হন;

(খ) দেউলিয়া ঘোষিত হইবার পর দায় হইতে অব্যাহতি লাভ না করিয়া থাকেন;

(গ) নৈতিক স্খলনজনিত অপরাধে আদালত কর্তৃক দোষী সাব্যস্ত হন;

(ঘ) সিন্ডিকেটের বিশেষ অনুমতি ব্যতিরেকে বিশ্ববিদ্যালয় কর্তৃক পরিচালিত কোন পরীক্ষার পাঠ্যক্রম হিসাবে নির্ধারিত কোন বই তাহা স্বলিখিত হটক বা সম্পাদিত হটক, এর প্রকাশনা, সংগ্রহ বা সরবরাহকারী কোন প্রতিষ্ঠানে ব্যক্তি হিসাবে, অংশীদার হিসাবে বা অন্য কোন প্রকারে আর্থিক স্বার্থে জড়িত থাকেন;

তবে শর্ত থাকে যে, সংশয় বা বিরোধের ক্ষেত্রে, কোন ব্যক্তি এই ধারা মোতাবেক অযোগ্য কিনা তাহা চ্যান্সেলর সাব্যস্ত করিবেন এবং এই ব্যাপারে তাহার সিদ্ধান্তই চূড়ান্ত হইবে।

৫৫। বিশ্ববিদ্যালয় কর্তৃপক্ষ ও সংস্থা গঠন সম্পর্কে বিরোধ।— এই আইন, সংবিধি বা বিশ্ববিদ্যালয় অধ্যাদেশে এতদসম্পর্কিত বিধানের অবর্তমানে, কোন ব্যক্তির বিশ্ববিদ্যালয়ের কোন কর্তৃপক্ষ বা অন্য কোন সংস্থার সদস্য হওয়ার অধিকার সম্পর্কিত কোন প্রশ্ন চ্যান্সেলরের নিকট প্রেরিত হইবে এবং এই ব্যাপারে তাহার সিদ্ধান্ত চূড়ান্ত হইবে।

৫৬। কমিটি গঠন।— এই আইন বা সংবিধি দ্বারা কোন কর্তৃপক্ষকে কমিটি গঠনের ক্ষমতা প্রদান করা হইলে উক্ত কমিটি, অনুরূপ কোন বিধান করা না থাকিলে, উক্ত কর্তৃপক্ষ কর্তৃক স্থিরীকৃত উহার সদস্য এবং প্রয়োজনবোধে অন্যান্য ব্যক্তি সমন্বয়ে গঠিত হইবে।

৫৭। আকস্মিক শূন্য পদ পূরণ।— বিশ্ববিদ্যালয়ের কোন কর্তৃপক্ষ বা অন্য কোন সংস্থার পদাধিকার বলে সদস্য নন এই রকম কোন সদস্যের পদে আকস্মিক শূন্যতা সৃষ্টি হইলে যে ব্যক্তি বা কর্তৃপক্ষ উক্ত সদস্যকে নিষ্পত্তি, নির্বাচিত বা মনোনীত করিয়াছিলেন সেই ব্যক্তি বা কর্তৃপক্ষ যতশীঘ্র সম্ভব উক্ত শূন্য পদ পূরণ করিবেন এবং যে ব্যক্তি এই প্রকার শূন্য পদে নিষ্পত্তি নির্বাচিত বা মনোনীত হইবেন তিনি যাহার স্থলাভিষিক্ত হইয়াছেন তাহার অসমাপ্ত কার্যকালের জন্য উক্ত কর্তৃপক্ষ বা সংস্থার সদস্য পদে বহাল থাকিবেন।

৫৮। কার্যধারার বৈধতা, ইত্যাদি।— বিশ্ববিদ্যালয়ের কোন কর্তৃপক্ষ বা সংস্থার কোন কার্য বা কার্যধারা কেবলমাত্র উহার কোন পদের শূন্যতা বা উক্ত পদে নিষ্পত্তি, মনোনয়ন বা নিবাচন সংক্রান্ত ব্যর্থতা বা ত্রুটির কারণে অথবা উক্ত কর্তৃপক্ষ বা সংস্থার গঠনের ব্যাপারে অন্য কোন প্রকার ত্রুটির জন্য অবৈধ হইবে না কিংবা তৎসম্পর্কে কোন প্রয় উত্থাপন করা হইবে না।

৫৯। আপীলের অধিকার।— এই আইন বা সংবিধিতে বিশেষভাবে বিধৃত হয় নাই এইরূপ কোন বিষয়ে বা চুক্তি সম্পর্কে বিশ্ববিদ্যালয় এবং উহার কোন শিক্ষক বা কর্মকর্তার মধ্যে বিরোধ দেখা দিলে বিরোধটি উক্ত শিক্ষক বা কর্মকর্তার অনুরোধে ভাইস-চ্যান্সেলর কর্তৃক চ্যান্সেলরের নিকট সিদ্ধান্তের জন্য প্রেরণ করিতে হইবে এবং এই বিষয়ে চ্যান্সেলরের সিদ্ধান্তই চূড়ান্ত হইবে।

৬০। অবসর ভাতা ও ভবিষ্যৎ তহবিল।— সংবিধি দ্বারা নির্ধারিত পদ্ধতি এবং শর্তাবলী সাপেক্ষে, বিশ্ববিদ্যালয় উহার শিক্ষক, কর্মকর্তা ও অন্যান্য কর্মচারীর কল্যাণার্থে যেরূপ সমীচীন মনে করেন সেইরূপ অবসর ভাতা, পোষ্টী-বীমা, কন্যাগ তহবিল বা ভবিষ্যৎ-তহবিল গঠন অথবা আনুষ্ঠানিক, প্র্যাচুইটি দানের ব্যবস্থা করিতে পারিবে।

৬১। সংবিধিবদ্ধ মঞ্জুরী।— বিশ্ববিদ্যালয়, এই আইনের উদ্দেশ্যে পূরণকল্পে, প্রতি বৎসর মঞ্জুরী কমিশন হইতে তৎকর্তৃক নির্ধারিত অর্থ প্রাপ্ত হইবে।

৬২। অসুবিধা দূরীকরণ।— বিশ্ববিদ্যালয়ের কার্যাবলী সম্পাদনের ক্ষেত্রে অথবা উহার কোন কর্তৃপক্ষের প্রথম বৈঠকের ব্যাপারে বা এই আইনের বিধানাবলী প্রথম কার্যকর করার বিষয়ে কোন অসুবিধা দেখা দিলে, বিশ্ববিদ্যালয়ের সকল কর্তৃপক্ষ গঠিত হইবার পূর্বে যে-কোন সময়ে উক্ত অসুবিধা দূরীকরণের জন্য সমীচীন বা প্রয়োজনীয় বলিয়া চ্যান্সেলরের নিকট প্রতীয়মান হইলে, তিনি আদেশ দ্বারা এই আইন এবং সংবিধির সংগে যতদূর সম্ভব সংগতি রক্ষা করিয়া যে-কোন পদে নিয়োগ দান বা অন্য কোন ব্যবস্থা গ্রহণ করিতে পারিবেন এবং এই প্রকার প্রত্যেকটি আদেশ এইরূপ কার্যকর হইবে যেন উক্ত নিয়োগদান ও ব্যবস্থা গ্রহণ এই আইনের বিধান অনুসারে করা হইয়াছে।

৬৩। ক্রান্তিকালীন বিধান।— এই আইনে অনাগ্র বা আপাততঃ বলবৎ অন্য কোন আইনে যাহাই থাকুক না কেন, এই বিশ্ববিদ্যালয় যতদিন পর্যন্ত না রহতর সিলেট এলাকায় অবস্থিত চট্টগ্রাম বিশ্ববিদ্যালয়ের এক্তিয়ারাধীন মহাবিদ্যালয়, ইনস্টিটিউট বা অন্যান্য শিক্ষা ও গবেষণা প্রতিষ্ঠানসমূহের উপর উহার কর্তৃপক্ষ ও এক্তিয়ার প্রয়োগ করার সিদ্ধান্ত গ্রহণ করেন ততদিন পর্যন্ত উক্ত মহাবিদ্যালয়, ইনস্টিটিউট ও অন্যান্য শিক্ষা ও গবেষণা প্রতিষ্ঠানসমূহের উপর চট্টগ্রাম বিশ্ববিদ্যালয়ের নিয়ন্ত্রণ ও এক্তিয়ার অব্যাহত থাকিবে।

তফসিল

বিশ্ববিদ্যালয়ের প্রথম সংবিধি

- ১। সংজ্ঞা।— বিষয় বা প্রসংগের পরিপন্থী কোন কিছু না থাকিলে, এই সংবিধিতে,
(ক) “আইন” অর্থ ১৯৮৭ সালের শাহজালাল বিজ্ঞান ও প্রযুক্তি বিশ্ববিদ্যালয় আইন (১৯৮৭ সালের নং আইন); এবং

(খ) “কর্তৃপক্ষ”, “কর্মকর্তা”, “অধ্যাপক”, “সহযোগী অধ্যাপক”, “সহকারী অধ্যাপক”, “প্রভাষক”, এবং “রেজিস্টারভুক্ত প্রাজুয়েট” অর্থ যথাক্রমে বিশ্ববিদ্যালয়ের কর্তৃপক্ষ, অফিসার, অধ্যাপক, সহযোগী অধ্যাপক, সহকারী অধ্যাপক, প্রভাষক এবং রেজিস্টারভুক্ত প্রাজুয়েট।

২। স্কুল অব ষ্টাডিজ।— (১) কোন স্কুল অব ষ্টাডিজ উহার ডীন এবং উহার অন্তর্ভুক্ত ডিসিপ্লিনসমূহের সকল শিক্ষকের সমন্বয়ে গঠিত হইবে।

(২) প্রত্যেক স্কুলের নির্বাহী কমিটি থাকিবে যাহা নিম্নবর্ণিত সদস্যগণকে লইয়া গঠিত হইবে, যথা:—

(ক) ডীন, যিনি ইহার চেয়ারম্যানও হইবেন ;

(খ) স্কুলের অনধিক পনের জন অধ্যাপক, যাহারা সম্ভব হইলে, ভাইস-চ্যান্সেলর কর্তৃক পালাক্রমে নিযুক্ত হইবেন ;

(গ) স্কুলের ডিসিপ্লিনের প্রধানগণ ;

(ঘ) স্কুলের জন্য নির্দিষ্ট বিষয়গুলির সাতজন শিক্ষক, যাহারা একাডেমিক কাউন্সিল কর্তৃক নিযুক্ত হইবেন ;

(ঙ) স্কুলের বিষয় নয় অথচ একাডেমিক কাউন্সিলের মতে স্কুলের বিষয়ের সহিত গুরুত্বপূর্ণভাবে সম্পর্কযুক্ত এমন বিষয়ের তিনজন শিক্ষক, যাহারা একাডেমিক কাউন্সিল কর্তৃক নিযুক্ত হইবেন ; এবং

(চ) স্কুলের অন্তর্ভুক্ত বিষয়সমূহে বিশেষ জ্ঞানসম্পন্ন তিনজন ব্যক্তি, যাহারা একাডেমিক কাউন্সিল কর্তৃক নিযুক্ত হইবেন।

(৩) নির্বাহী কমিটিতে নিযুক্ত সদস্যগণ তাহাদের নিয়োগের তারিখ হইতে দুই বৎসরের জন্য সদস্য পদে অধিষ্ঠিত থাকিবেন।

(৪) এই আইনের বিধান এবং একাডেমিক কাউন্সিলের উপর অর্পিত ক্ষমতা সাপেক্ষে, প্রত্যেক স্কুলের নিম্নবর্ণিত ক্ষমতা থাকিবে—

(ক) স্কুলের জন্য পাঠ্যক্রম ও অধ্যয়নের বিষয় নির্দিষ্ট করা, প্রত্যেক পাঠ্যক্রমের জন্য নম্বর ধার্য করা এবং এতদুদ্দেশ্যে পাঠ্যক্রম কনিটসমূহ গঠন করা ;

(খ) স্কুলের বিষয়সমূহের জন্য একাডেমিক কাউন্সিলের নিকট পরিচালকদের নাম সুপারিশ করা ;

(গ) ডিগ্রী, ডিপ্লোমা এবং অন্যান্য সম্মান প্রদানের শর্তাবলী একাডেমিক কাউন্সিলের নিকট সুপারিশ করা ;

(ঘ) স্কুলের ডিসিপ্লিনসমূহের জন্য শিক্ষক ও গবেষণা পদ সৃষ্টির জন্য একাডেমিক কাউন্সিলের নিকট সুপারিশ করা ;

(ঙ) একাডেমিক কাউন্সিল কর্তৃক উহার নিকট প্রেরিত অন্যান্য বিষয়ে ব্যবস্থা গ্রহণ করা

৩। পাঠ্যক্রম কমিটিসমূহ।— (১) প্রত্যেক পাঠ্যক্রম কমিটি নিম্নবর্ণিত সদস্যগণের সমন্বয়ে গঠিত হইবে, যথা:—

(ক) ডিসিপ্লিনের প্রধান যিনি ইহার চেয়ারম্যান হইবেন ;

(৪) ডিসিপ্লিনের শিক্ষকগণ ;

(গ) অধিভুক্ত বা অংগ মহাবিদ্যালয় হইতে ডীন কর্তৃক নিযুক্ত সংশ্লিষ্ট বিষয়ের দুইজন শিক্ষক ;

(ঘ) অন্য কোন বিশ্ববিদ্যালয় হইতে ডীন কর্তৃক মনোনীত সংশ্লিষ্ট বিষয়ের দুইজন শিক্ষক ।

(২) পাঠ্যক্রম কমিটি পাঠ্যক্রম ও পাঠ্যসূচী প্রণয়ন করিবেন এবং স্কুল, একাডেমিক কাউন্সিল ও বিশ্ববিদ্যালয় অধ্যাদেশ দ্বারা অর্পিত অন্যান্য কার্যের দায়িত্ব পালন করিবেন ।

(৩) বিশ্ববিদ্যালয়ে কোন বিষয়ে শিক্ষা-ডিসিপ্লিন না থাকিলে, স্কুলের ডীন এবং অধিভুক্ত বা অংগ মহাবিদ্যালয় এবং অন্যান্য বিশ্ববিদ্যালয় হইতে ডীন কর্তৃক নিযুক্ত উক্ত বিষয়ের পাঁচজন শিক্ষকের সমন্বয়ে পাঠ্যক্রম কমিটি গঠিত হইবে ।

(৪) কমিটিতে নিযুক্ত সদস্যগণ তাঁহাদের নিয়োগের তারিখ হইতে এক বৎসরের জন্য সদস্য পদে অধিষ্ঠিত থাকিবেন ।

৪। ডিসিপ্লিন।—(১) প্রত্যেক স্কুল নির্ধারিত ডিসিপ্লিনসমূহের সমন্বয়ে গঠিত হইবে ।

(২) প্রত্যেক ডিসিপ্লিন প্রধান অধ্যাপকগণের মধ্য হইতে পালারক্রমে তিন বৎসরের জন্য ডাইস-চ্যান্সেলর কর্তৃক নিযুক্ত হইবেন ।

(৩) যদি কোন ডিসিপ্লিনে অধ্যাপক না থাকেন তাহা হইলে ডাইস-চ্যান্সেলর জ্যেষ্ঠতর তিনজন সহযোগী অধ্যাপকের মধ্য হইতে পালারক্রমে একজনকে ডিসিপ্লিন-প্রধান নিযুক্ত করিবেন ।

ব্যাখ্যা।— এই সংবিধির জন্য পদবী ও পদমর্যাদার ভিত্তিতে জ্যেষ্ঠতা নির্ধারণ করা হইবে এবং দুই ব্যক্তির পদবী ও পদমর্যাদা সমান হইলে সমপদে চাকুরীকালের দীর্ঘতার ভিত্তিতে জ্যেষ্ঠতা নির্ধারণ করা হইবে ।

(৪) ডীনের সাধারণ তত্ত্বাবধানে ডিসিপ্লিন-প্রধান ডিসিপ্লিনের অন্যান্য সদস্যগণের সহযোগিতায় সংশ্লিষ্ট ডিসিপ্লিনের কার্যের পরিকল্পনা ও সমন্বয় সাধনের জন্য দায়ী থাকিবেন ।

(৫) একাডেমিক কাউন্সিল এবং ডাইস-চ্যান্সেলর কর্তৃক সময় সময় প্রদত্ত নির্দেশ সাপেক্ষে, ডিসিপ্লিন-প্রধান তাঁহার ডিসিপ্লিনে শিক্ষাদান ও গবেষণা সংগঠন ও পরিচালনার জন্য ডীনের নিকট দায়ী থাকিবেন ।

৫। এড্‌ভান্সড্‌ স্টাডিজ বোর্ড।—(১) এড্‌ভান্সড্‌ স্টাডিজ বোর্ড নিম্নবর্ণিত সদস্যগণের সমন্বয়ে গঠিত হইবে, যথা :—

(ক) ডাইস-চ্যান্সেলর, যিনি ইহার চেয়ারম্যানও হইবেন ;

(খ) প্রো-ডাইস-চ্যান্সেলর, যদি থাকেন ;

(গ) স্কুলসমূহের ডীন ;

(ঘ) একাডেমিক কাউন্সিল কর্তৃক মনোনীত দশজন অধ্যাপক ;

(ঙ) ডাইস-চ্যান্সেলর কর্তৃক পালারক্রমে নিযুক্ত সাতজন ডিসিপ্লিন-প্রধান ;

- (৮) অন্যান্য বিশ্ববিদ্যালয় হইতে এড্‌ভান্সড্‌ স্টাডিজ বোর্ড কর্তৃক কো-অপ্টকৃত তিনজন অধ্যাপক।
- (২) রেজিষ্টার এড্‌ভান্সড্‌ স্টাডিজ বোর্ডের সচিব হইবেন।
- (৩) এড্‌ভান্সড্‌ স্টাডিজ বোর্ডের মনোনীত ও কো-অপ্টকৃত সদস্যগণ তাহাদের নিয়োগের তারিখ হইতে দুই বৎসরের জন্য সদস্য পদে অধিষ্ঠিত থাকিবেন।
- (৪) এড্‌ভান্সড্‌ স্টাডিজ বোর্ড—
- (ক) সাত্তকোত্তর পর্যায়ে শিক্ষাদান ও গবেষণার ব্যাপারে একাডিমীয় বিষয়াবলী সম্পর্কে ভাইস-চ্যান্সেলর, সিন্ডিকেট ও একাডেমিক কাউন্সিলকে পরামর্শ দান করিবেন ;
- (খ) বিভিন্ন একাডেমীয় ও গবেষণা প্রকল্পের অনুমোদন এবং সকল মঞ্জুরী, পুরস্কার ও ফেলোশীপ প্রদানের ব্যাপারে উপযুক্ত কর্তৃপক্ষের নিকট সুপারিশ করিবেন ;
- (গ) বিভিন্ন ডিসিপ্লিনের তত্ত্বাবধানে পরিচালিত গবেষণার অগ্রগতি পর্যালোচনা করিবেন এবং এম, ফিল, পি-এইচ-ডি ও অন্যান্য গবেষণার ডিগ্রী প্রদানের ক্ষেত্রে সুপারিশ করিবেন এবং দক্ষ শিক্ষকমণ্ডলী ও প্রয়োজনীয় সরঞ্জাম ও যন্ত্রপাতির প্রাপ্যতা এবং উচ্চমানের শিক্ষাদান ও গবেষণা পরিচালনা সম্বন্ধে নিঃসন্দেহ হইবে।
- (৫) কার্যকর তত্ত্বাবধান ও নির্দেশনার ব্যবস্থাসহ প্রয়োজনীয় সুযোগ-সুবিধা আছে এই মর্মে এড্‌ভান্সড্‌ স্টাডিজ বোর্ড সন্তুষ্ট না হওয়া পর্যন্ত কোন ডিসিপ্লিনকে কোন বিষয়ে পি-এইচ-ডি, ডিগ্রীর জন্য গবেষণাকার্য পরিচালনা করিবার অনুমতি দেওয়া হইবে না।
- ৬। বাছাই বোর্ড।— (১) অধ্যাপক ও সহযোগী অধ্যাপকের নিয়োগের জন্য একটি বাছাই বোর্ড নিম্নবর্ণিত সদস্যগণের সমন্বয়ে গঠিত থাকিবে, যথা :—
- (ক) ভাইস-চ্যান্সেলর, যিনি উহার চেয়ারম্যানও হইবেন ;
- (খ) কোন বিদেশী বিশ্ববিদ্যালয় হইতে অন্ততঃ একজন বিশেষজ্ঞসহ চ্যান্সেলর কর্তৃক মনোনীত তিনজন বিশেষজ্ঞ ;
- (গ) চ্যান্সেলর কর্তৃক মনোনীত দুইজন সদস্য ;
- (ঘ) অধ্যাপক নিয়োগের ক্ষেত্রে, সিন্ডিকেট কর্তৃক দুইজন মনোনীত ব্যক্তি।
- (২) সহকারী অধ্যাপক এবং প্রভাষক নিয়োগের জন্য বাছাই বোর্ড নিম্নবর্ণিত সদস্যগণের সমন্বয়ে গঠিত হইবে, যথা :—
- (ক) ভাইস-চ্যান্সেলর, যিনি ইহার চেয়ারম্যানও হইবেন ;
তবে শর্ত থাকে যে, বিশ্ববিদ্যালয়ের কোন প্রো-ভাইস-চ্যান্সেলর থাকিলে তিনিই উহার চেয়ারম্যান হইবেন ;
- (খ) সংশ্লিষ্ট স্কুলের ডীন ;
- (গ) ডিসিপ্লিন-প্রধান ;
- (ঘ) সিন্ডিকেট কর্তৃক মনোনীত দুইজন বিশেষজ্ঞ।
- (৩) বাছাই বোর্ড প্রত্যেক তিন বৎসর অন্তর পুনর্গঠিত হইবে।

(৪) সিভিকিট যদি কোন বাছাই বোর্ডের সুপারিশের সহিত একমত হইতে না পারেন, তাহা হইলে বিষয়টি চ্যান্সেলরের নিকট প্রেরণ করা হইবে এবং এই ব্যাপারে তাহার সিদ্ধান্তই চূড়ান্ত হইবে।

৭। হল।— (১) হলের প্রভোস্ট ডাইস-চ্যান্সেলর কর্তৃক নির্ধারিত শর্তে তৎকর্তৃক তিন বৎসরের জন্য নিযুক্ত হইবেন।

(২) সিভিকিট বিশ্ববিদ্যালয়ের হলসমূহের নামকরণ করিবে।

৮। হোস্টেল।— কোন অনুমোদিত ও লাইসেন্স প্রাপ্ত হোস্টেলের ওয়ার্ডেন ও তত্ত্বাবধায়ক কর্মচারীরা হোস্টেল রক্ষণাবেক্ষণকারী কর্তৃপক্ষ কর্তৃক বিশ্ববিদ্যালয়ের শিক্ষকগণের মধ্য হইতে ডাইস-চ্যান্সেলরের অনুমোদন সাপেক্ষে নিয়োগ করা হইবে।

৯। সন্মানসূচক ডিগ্রী।— কোন সন্মানসূচক ডিগ্রী প্রদানের প্রস্তাব সিভিকিট চ্যান্সেলরের নিকট অনুমোদনের জন্য পেশ করিবে।

১০। রেজিষ্টারভুক্ত গ্রাজুয়েট।— (১) গ্রাজুয়েট হওয়ার কমপক্ষে পাঁচ বৎসর অতিক্রান্ত হইলে বিশ্ববিদ্যালয়ের কোন গ্রাজুয়েট মাত্র একশত টাকা ফিস প্রদান করিয়া রেজিষ্টারভুক্ত গ্রাজুয়েটদের রেজিষ্টারে তাহার নাম অন্তর্ভুক্ত করার অধিকারী হইবেন।

(২) (১) প্যারা অনুযায়ী দরখাস্তকারী ব্যক্তিকে রেজিষ্টারী ফিস প্রদানের তারিখ হইতে রেজিষ্টারভুক্ত গ্রাজুয়েট হিসাবে তালিকাভুক্ত করা হইবে এবং (৫) প্যারার বিধান অনুযায়ী রেজিষ্টারভুক্ত গ্রাজুয়েটদের রেজিষ্টার হইতে তাহার নাম বাদ না দেওয়া পর্যন্ত তিনি অব্যাহতভাবে এইরূপ তালিকাভুক্ত থাকিবেন।

(৩) রেজিষ্টারভুক্ত গ্রাজুয়েট হিসাবে তালিকাভুক্ত কোন ব্যক্তি মাত্র একশত টাকা বার্ষিক ফিস প্রদান করিয়া আমরণ রেজিষ্টারভুক্ত গ্রাজুয়েটদের সুযোগ সুবিধা ভোগ করার অধিকারী হইবেন ;

তবে শর্ত থাকে যে, কোন রেজিষ্টারভুক্ত গ্রাজুয়েট তাহার নাম রেজিষ্টারীকরণের প্রথম বৎসর হইতে ক্রমাগতভাবে পনের বৎসরের বার্ষিক ফিস প্রদান করিয়া থাকিলে তিনি আমরণ বা ইন্তফা প্রদান না করা পর্যন্ত আর কোন ফিস প্রদান না করিয়াই রেজিষ্টারভুক্ত গ্রাজুয়েট হিসাবে তালিকাভুক্ত থাকিবার অধিকারী হইবেন ;

আরও শর্ত থাকে যে, কোন রেজিষ্টারভুক্ত গ্রাজুয়েট উপরোক্তভাবে রেজিষ্টারভুক্ত হওয়ার পর যে কোন সময়ে বার্ষিক ফিস বাবদ একত্রে মাত্র এক হাজার টাকা প্রদান করিয়া অনূরূপ ফিস প্রদানের তারিখ হইতে আমরণ বা ইন্তফা প্রদান না করা পর্যন্ত আর কোন ফিস প্রদান না করিয়াই রেজিষ্টারভুক্ত গ্রাজুয়েটের সুযোগ-সুবিধা ভোগ করিতে থাকিবেন ;

আরও শর্ত থাকে যে, বকেয়া ফিস পরিশোধ না করার কারণে যাহার নাম রেজিষ্টারভুক্ত গ্রাজুয়েটদের তালিকা হইতে বাদ দেওয়া হইয়াছে, তিনি এককালীন এক হাজার টাকা পরিশোধ করিলে আজীবন সদস্যরূপে রেজিষ্টারভুক্ত হইতে পরিবেন।

(৪) কোন রেজিষ্টারভুক্ত গ্রাজুয়েট তাহার প্রদেয় বার্ষিক ফিস শিক্ষা বৎসরের যে কোন সময়ে প্রদান করিতে পারিবেন ; তবে বিশ্ববিদ্যালয় অধ্যাদেশ দ্বারা নির্ধারিত তারিখের মধ্যে তিনি কোন শিক্ষা বৎসরের বকেয়া ফিস প্রদানে বাধ্য হইলে তিনি সংশ্লিষ্ট শিক্ষা বৎসরে রেজিষ্টারভুক্ত গ্রাজুয়েটের অধিকার প্রয়োগ বা সুযোগ-সুবিধা ভোগ করার অধিকারী হইবেন না।

(৫) কোন রেজিস্টারভুক্ত প্রাজুয়েট কোন শিক্ষা বৎসরে প্রদেয় বার্ষিক ফিস প্রদানে ব্যর্থ হইলে রেজিস্টারভুক্ত প্রাজুয়েটদের তালিকা হইতে তাহার নাম বাদ দেওয়া হইবে ;

তবে শর্ত থাকে যে, তিনি পরবর্তী শিক্ষা বৎসরে রেজিস্টারভুক্ত প্রাজুয়েট হিসাবে পুনরায় ভর্তি হইতে পারিবেন যদি তিনি পূর্ণভর্তির বৎসর পর্যন্ত সকল বকেয়া ফিস পরিশোধ করেন।

(৬) বিশ্ববিদ্যালয় অধ্যাদেশ দ্বারা নির্ধারিত ফরমে রেজিস্টারভুক্ত প্রাজুয়েট হিসাবে তালিকাভুক্তি বা পূর্ণভর্তির জন্য আবেদন করিতে হইবে ;

তবে শর্ত থাকে যে, ফিস বাবদ একশত টাকা প্রদান করা না হইলে পূর্ণভর্তির কোন আবেদন গ্রহণ করা হইবে না।

(৭) (ক) প্রাজুয়েটদের রেজিস্টারী সংক্রান্ত সকল বিরোধ নিশ্চয়বর্ণিত সদস্যগণের সম্মুখে গতিত ট্রাইব্যুনাল কর্তৃক নিষ্পত্তি করা হইবে, যথা :—

(অ) ভাইস-চ্যান্সেলর, যিনি ইহার চেয়ারম্যানও হইবেন ;

(আ) সিন্ডিকেট কর্তৃক মনোনীত ইহার একজন সদস্য ;

(ই) একাডেমিক কাউন্সিল কর্তৃক মনোনীত ইহার একজন সদস্য ;

(খ) ট্রাইব্যুনালের সিন্ধাত চূড়ান্ত হইবে ;

(গ) ট্রাইব্যুনালের কার্যপদ্ধতি উহার দ্বারাই স্থিরীকৃত হইবে।

(৮) রেজিস্টারভুক্ত প্রাজুয়েটগণ বিশ্ববিদ্যালয় অধ্যাদেশ দ্বারা নির্ধারিত পদ্ধতিতে বিশ্ববিদ্যালয়ের গ্রন্থাগার ব্যবহার করার অধিকারী হইবেন।

১১। অধিভুক্ত।—(১) বিশ্ববিদ্যালয় হইতে অধিভুক্তি প্রার্থী কোন মহাবিদ্যালয়ের আবেদন নির্ধারিত ফরমে যে শিক্ষা বৎসর হইতে অধিভুক্তি কার্যকর করার প্রার্থনা করা হইয়াছে উহার পূর্ববর্তী শিক্ষা বৎসরের অক্টোবর মাসের ১৫ তারিখের মধ্যে রেজিস্ট্রারের নিকট পেশ করিতে হইবে এবং সিন্ডিকেটকে এই মর্মে সম্বৃত্ত করিতে হইবে যে,—

(ক) মহাবিদ্যালয়টি একটি গভর্নিং বডি'র ব্যবস্থায় থাকিবে ;

(খ) মহাবিদ্যালয়টির শিক্ষকগণের সংখ্যা, যোগ্যতা এবং কার্যকালের শর্তাবলী এইরূপ যে মহাবিদ্যালয় কর্তৃক গৃহীত শিক্ষাক্রম, শিক্ষাদান বা প্রশিক্ষণের ব্যবস্থার জন্য ইহা যথেষ্ট হইবে এবং মহাবিদ্যালয়ের ছাত্রদিগকে প্রয়োজনীয় উপদেশ ও পরামর্শ ও টিউটরিয়াল পদ্ধতিতে শিক্ষাদানের জন্য পর্যাপ্ত ব্যবস্থা করা হইয়াছে ;

(গ) মহাবিদ্যালয়টি যে ভবনে অবস্থিত উহা যথোপযোগী ;

(ঘ) মহাবিদ্যালয়, এই সংবিধি ও বিশ্ববিদ্যালয় অধ্যাদেশের বিধান অনুযায়ী, যে সকল ছাত্র তাহাদের পিতামাতার সংপে বসবাস করে না তাহাদের জন্য মহাবিদ্যালয়ের হোষ্টেলের বা মহাবিদ্যালয় কর্তৃক অনুমোদিত বাসস্থানে বসবাসের ব্যবস্থা করিয়াছে এবং ছাত্রদের তত্ত্বাবধান ও খেলাধুলা ও শরীর চর্চাসহ তাহাদের শারীরিক ও সাধারণ কল্যাণ সাধনের ব্যবস্থা করা হইয়াছে ;

(ঙ) মহাবিদ্যালয়ের প্রাংগে ছাত্র ও শিক্ষকদের মধ্যে ঘরোয়াভাবে মেলামেশার সুযোগ প্রদানের ব্যবস্থা করা হইবে ;

(চ) মহাবিদ্যালয়ের নির্ধারিত সময়ে ও উহার পরেও ছাত্রদের পড়াশুনার সুবিধা সম্বলিত উপযুক্ত গ্রন্থাগারের পর্যাপ্ত ব্যবস্থা করা হইয়াছে বা করা হইবে ;

- (ছ) পরীক্ষামূলক বিজ্ঞানের কোন শাখায় অধিভুক্তির আবেদনের ক্ষেত্রে উক্ত শাখায় শিক্ষাদানের জন্য যথাযথভাবে যন্ত্রপাতি সমৃদ্ধ একটি পরীক্ষাগার বা যাদুঘরের ব্যবস্থা করা হইয়াছে বা করা হইবে ;
- (জ) মহাবিদ্যালয় এলাকায় বা উহার সন্নিকটে অধ্যক্ষের এবং কতিপয় শিক্ষকের বাসস্থানের জন্য যথাসম্ভব ব্যবস্থা করা হইবে ;
- (ঝ) মহাবিদ্যালয়ের আর্থিক সংগতি উহার অব্যাহত রক্ষণাবেক্ষণ এবং দক্ষ পরিচালনার জন্য যথেষ্ট হইবে এবং উহার রক্ষণাবেক্ষণের মোট ব্যয়ের অংশ বিশেষ উহার নিজস্ব সম্পদ হইতে বহন করিতে পারিবে ;
- (ঞ) মহাবিদ্যালয়টির অধিভুক্তির ফলে উহার পাঠ্যবর্তী এলাকায় অবস্থিত অন্য কোন অধিভুক্ত মহাবিদ্যালয়ের শিক্ষা বা শৃংখলার কোন ক্ষতি হইবে না ।
- (২) আবেদনপত্রে এইরূপ নিশ্চয়তাও থাকিতে হইবে যে, মহাবিদ্যালয়টি অধিভুক্ত হওয়ার পর উহার শিক্ষকগণের বদলী বা তাহাদের মধ্যে কোন পরিবর্তন সম্পর্কে অবিলম্বে সিঙিকেটকে অবহিত করা হইবে ।

(৩) (১) প্যারা অনুযায়ী আবেদনপত্র প্রাপ্তির পর সিঙিকেট—

- (ক) উক্ত প্যারায় বর্ণিত বিষয়াদি এবং অন্যান্য যে সকল বিষয় প্রয়োজনীয় ও প্রাসংগিক বলিয়া গণ্য হইতে পারে সেই সকল বিষয় সম্পর্কে স্থানীয়ভাবে তদন্ত অনুষ্ঠানের জন্য কোন উপযুক্ত ব্যক্তিকে বা সিঙিকেট কর্তৃক ক্ষমতা প্রদত্ত কোন উপযুক্ত ব্যক্তিকে নির্দেশ দিবেন ;
- (খ) প্রয়োজনীয় অন্যান্য তদন্ত অনুষ্ঠান করিবে ;
- (গ) একাডেমিক কাউন্সিলের সুপারিশের ভিত্তিতে উক্ত আবেদনপত্র সম্পূর্ণ বা আংশিকভাবে মঞ্জুর বা অগ্রাহ্য করা হইবে কিনা তৎসম্পর্কে সিদ্ধান্ত গ্রহণ করিবে ।
- (৪) সিঙিকেট প্রত্যেক অধিভুক্ত মহাবিদ্যালয়ে প্রয়োজনীয় শিক্ষকের ন্যূনতম সংখ্যা এবং শিক্ষাদানের পরিধি নির্ধারণ করিবে ।
- (৫) সরকারী মহাবিদ্যালয় ব্যতীত অধিভুক্ত অন্য সকল অধিভুক্ত মহাবিদ্যালয়ের শিক্ষকগণ লিখিত চুক্তির দ্বারা নিযুক্ত হইবে এবং এই চুক্তিতে তাহাদের চাকুরীর শর্তাবলী এবং প্রদেয় বেতনের উল্লেখ থাকিবে এবং এই চুক্তির একটি অনুলিপি বিশ্ববিদ্যালয়ের নিকট গচ্ছিত থাকিবে ।

১২। পরিদর্শন ও প্রতিবেদন।— (১) বিশ্ববিদ্যালয়ের অধিভুক্ত প্রত্যেক মহাবিদ্যালয় উহার দক্ষতা যাচাইয়ের জন্য সিঙিকেট কর্তৃক তলবকৃত মাবতীয় প্রতিবেদন, রিটার্ন ও অন্যান্য দলিল বা তথ্য সরবরাহ করিবে ।

(২) সিঙিকেট তৎকর্তৃক এতদুদ্দেশ্যে ক্ষমতাপ্রদত্ত এক বা একাধিক উপযুক্ত ব্যক্তি দ্বারা প্রত্যেক মহাবিদ্যালয় সময় সময় পরিদর্শন করাইবে ।

(৩) এই প্রকার পরিদর্শনকৃত মহাবিদ্যালয়কে সিঙিকেট তৎকর্তৃক প্রয়োজনীয় বিবেচিত কোন কাজ নির্দিষ্ট সময়ের মধ্যে সম্পাদনের জন্য নির্দেশ দিতে পারিবে ।

১৩। মহাবিদ্যালয়ে শিক্ষাদান এবং বিশ্ববিদ্যালয় ও মহাবিদ্যালয়ের মধ্যে সহযোগিতা।—

(১) একাডেমিক কাউন্সিলের পরামর্শক্রমে সিঙিকেট কোন মহাবিদ্যালয়কে সময় সময় যে সকল বিষয়ে ও যে মানের শিক্ষাদানের জন্য ক্ষমতা দান করিবে মহাবিদ্যালয়টি সেই বিষয়ে এবং সেই মানের শিক্ষাদানের ব্যবস্থা করিবে ।

(২) একাডেমিক কাউন্সিলের সহিত আলোচনাক্রমে প্রদেয় সিভিকিটের পূর্ব অনুমতি ব্যতিরেকে, কোন মহাবিদ্যালয় উহার জন্য অনুমোদিত কোন বিষয়ের শিক্ষাদান স্থগিত করিবে না।

(৩) একাডেমিক কাউন্সিলের পরামর্শ বিবেচনার পর, এবং সংশ্লিষ্ট মহাবিদ্যালয় বা মহাবিদ্যালয়সমূহের কর্তৃপক্ষের সহিত পরামর্শক্রমে, সিভিকিট মহাবিদ্যালয়সমূহের মধ্যে এবং মহাবিদ্যালয়সমূহ ও বিশ্ববিদ্যালয়ের মধ্যে, পারস্পরিক সহযোগিতার ভিত্তিতে শিক্ষাদানের ব্যবস্থা করিতে পারিবে।

(৪) বিশ্ববিদ্যালয়ের ছাত্রদের উপকারার্থে বিশ্ববিদ্যালয়ের কোন শিক্ষক কর্তৃক প্রদত্ত বক্তৃতায় কোন মহাবিদ্যালয়ের ছাত্রগণ, সংশ্লিষ্ট মহাবিদ্যালয়ের অধ্যক্ষের মাধ্যমে পেশকৃত আবেদনের ভিত্তিতে এবং ভাইস-চ্যান্সেলরের পূর্ব অনুমোদনক্রমে, উপস্থিত থাকিতে পরিবেন।

(৫) কোন মহাবিদ্যালয়ের ছাত্রদের উপকারার্থে বিশ্ববিদ্যালয়ের কোন স্বীকৃত শিক্ষক কর্তৃক প্রদত্ত বক্তৃতায় অন্য কোন মহাবিদ্যালয় বা বিশ্ববিদ্যালয়ের ছাত্রগণ, ভাইস-চ্যান্সেলরের পূর্ব অনুমোদনক্রমে, উপস্থিত থাকিতে পরিবেন ;

তবে শর্ত থাকে যে, সংশ্লিষ্ট মহাবিদ্যালয়ের অধ্যক্ষের মাধ্যমে উক্ত বক্তৃতায় উপস্থিত থাকিবার জন্য আবেদন করা না হইলে, যে মহাবিদ্যালয়ে বক্তৃতা দেওয়া হইতেছে সেই মহাবিদ্যালয়ের অধীক্ষক বহিরাগত মহাবিদ্যালয়ের ছাত্রগণকে উক্ত বক্তৃতায় উপস্থিত থাকিবার অনুমতি দিবে না।

১৪। কর্মকর্তাগণের নিয়োগ।— (১) রেজিস্টার, প্রশাসনিক, মহাবিদ্যালয়ের পরিদর্শক এবং সমপদমর্বাদী ও সমবেতনের অন্যান্য কর্মকর্তাগণ নিম্নবর্ণিত সদস্যগণের সম্মুখে গঠিত বাছাই বোর্ডের সুপারিশক্রমে সিভিকিট কর্তৃক নিযুক্ত হইবেন, যথা:—

- (ক) ভাইস-চ্যান্সেলর, যিনি ইহার চেয়ারম্যানও হইবেন ;
- (খ) প্রো-ভাইস-চ্যান্সেলর, যদি থাকেন ;
- (গ) কোষাধ্যক্ষ ;
- (ঘ) একাডেমিক কাউন্সিল কর্তৃক মনোনীত একজন ডীন ;
- (ঙ) সিভিকিট কর্তৃক মনোনীত একজন বিশেষজ্ঞসহ দুইজন ব্যক্তি ;
- (চ) চ্যান্সেলর কর্তৃক মনোনীত একজন ব্যক্তি।

(২) (১) প্যারায় উল্লেখিত কর্মকর্তা ব্যতীত অন্যান্য কর্মকর্তাগণ নিম্নবর্ণিত সদস্যগণের সম্মুখে গঠিত বাছাই বোর্ডের সুপারিশক্রমে সিভিকিট কর্তৃক নিযুক্ত হইবেন, যথা :—

- (ক) ভাইস-চ্যান্সেলর যিনি ইহার চেয়ারম্যানও হইবেন ;
- তবে শর্ত থাকে যে, যদি বিশ্ববিদ্যালয়ের কোন প্রো-ভাইস-চ্যান্সেলর থাকেন তাহা হইলে তিনিই ইহার চেয়ারম্যান হইবেন,
- (খ) কোষাধ্যক্ষ ;
- (গ) একাডেমিক কাউন্সিল কর্তৃক মনোনীত একজন ডীন ;
- (ঘ) সিভিকিট কর্তৃক মনোনীত উহার একজন সদস্য, যিনি বিশ্ববিদ্যালয়ের কোন চাকুরী করেন না ;
- (ঙ) সিভিকিট কর্তৃক মনোনীত একজন বিশেষজ্ঞ।

১৫। রেজিস্ট্রারের কর্তব্য।— রেজিস্ট্রার বিশ্ববিদ্যালয়ের আবাসিক কর্মকর্তা হইবেন এবং তিনি—

- (ক) বিশ্ববিদ্যালয়ের দলিলপত্র ও সাধারণ সীলমোহর এবং সিঙ্কিট কতৃক তাহার তত্ত্বাবধানে অর্পিত বিশ্ববিদ্যালয়ের অন্যান্য সম্পত্তির তত্ত্বাবধায়ক হইবেন ;
- (খ) সাধারণতঃ বিশ্ববিদ্যালয়ের অফিস সংক্রান্ত চিঠিপত্রের আদান-প্রদান করিবেন ;
- (গ) সিনেট, সিঙ্কিট, একাডেমিক কাউন্সিল এবং গ্র্যাডুয়েন্স ভোডে'র সচিব হিসাবে কাজ করিবেন ;
- (ঘ) (গ) দফায় উল্লেখিত সংস্থাসমূহের সকল সভার উপস্থিত থাকিবেন এবং ঐ সকল সভার কার্যবিবরণী লিপিবদ্ধ ও রক্ষণাবেক্ষণ করিবেন ;
- (ঙ) বক্তৃতা, হাতে-কলমে প্রদর্শন, টিউটরিয়াল, পনীক্ষাগারের কার্য, গবেষণা, ব্যক্তিগত পড়াশুনা সহ একাডেমীয় শিক্ষকমণ্ডলীর কাজের সময়সূচী ও ব্যক্তিগত পথ-নির্দেশনার মাধ্যমে ছাত্রদের সহিত যোগাযোগ স্থাপন এবং তাহাদের সহশিক্ষাক্রমিক কার্যাবলীর তদারকীর ব্যাপারে ডিনের সহিত যোগাযোগ রক্ষা করিবেন ;
- (চ) ভাইস-চ্যান্সেলর কতৃক তাহার হেফাজতে ন্যস্ত সকল গোপনীয় প্রতিবেদন রক্ষণাবেক্ষণ করিবেন ;
- (ছ) একাডেমিক কাউন্সিল এবং সিঙ্কিট কতৃক সময় সময় নির্ধারিত এবং ভাইস-চ্যান্সেলর কতৃক প্রদত্ত অন্যান্য দায়িত্ব পালন করিবেন ।

১৬। অগ্রান্ত কর্মকর্তাগণের কর্তব্য।— অন্যান্য কর্মকর্তাগণ বিশ্ববিদ্যালয় বাংলাদেশ দ্বারা নির্ধারিত কিংবা সিঙ্কিট ও ভাইস-চ্যান্সেলর কতৃক প্রদত্ত কর্তব্য পালন করিবেন।

১৭। পাঠ্যক্রম।— (১) বিশ্ববিদ্যালয় উহার অধিতুক্ত মহাকাব্যাক্ষেত্রের জন্য দুই বৎসর মেয়াদী ডিগ্রী পাস কোর্স এবং বিশ্ববিদ্যালয় পর্যায়ে ঐ দুই বৎসর মেয়াদী সম্মান ডিগ্রী কোর্স প্রবর্তন করিবে।

(২) বিশ্ববিদ্যালয় এক বৎসর মেয়াদী ও দুই বৎসর মেয়াদী স্নাতকোত্তর ডিগ্রী কোর্স প্রবর্তন করিবে।

(৩) পাস ডিগ্রী কোর্স চারটি টার্মে বিভক্ত হইবে এবং প্রত্যেক টার্মের সমাপ্তিতে সাধারণ পরীক্ষা অনুষ্ঠিত হইবে।

(৪) বিশ্ববিদ্যালয়ের অনার্স কোর্স একটি পূর্ণাঙ্গ কোর্স হইবে, উহাতে সাবসিডিয়ারী বিষয় হিসাবে কোন বিষয় থাকিবে না এবং উক্ত কোর্সের প্রাসংগিক বিষয়সমূহ উহার অবিচ্ছেদ্য অংশ হিসাবে শিক্ষা দেওয়া হইবে।

(৫) অনার্স কোর্সের জন্য সেমিস্টার পদ্ধতি থাকিবে এবং সম্পূর্ণ অনার্স পাঠ্যসূচী কয়েকটি কোর্সে বিভক্ত থাকিবে।

(৬) পাঠ্যক্রমের কিছু অংশ সমাপ্ত করার পর কোন ছাত্রের পড়াশুনা বন্ধ হইলে, একাডেমিক কাউন্সিল, যদি উপযুক্ত বিবেচনা করে, উক্ত ছাত্রকে অসমাপ্ত পাঠ্যক্রম সমাপ্ত করার জন্য পুনরায় ভর্তি হওয়ার অনুমতি প্রদান করিতে পারিবে। এবং ইতিপূর্বে সমাপ্ত পাঠ্যক্রমের জন্য ছাত্রটি কোন নম্বর পাইয়া থাকিলে ঐ পাঠ্যক্রমের সুবিধাও প্রদান করিতে পারিবে।

(৭) কেবলমাত্র বাছাইকৃত এবং যথাযথ যোগ্যতাসম্পন্ন পাস গ্র্যাজুয়েটদিগকে দুই বৎসর মেয়াদী স্নাতকোত্তর পাঠ্যক্রমে ভর্তির জন্য অনুমতি দেওয়া হইবে।

(৮) কোন সম্মান ডিগ্রীধারী ব্যক্তি সাধারণতঃ এক বৎসর মেয়াদী স্নাতকোত্তর ডিগ্রী পাঠ্যক্রমের জন্য যোগ্য হইবেন।

(৯) কোন ছাত্র সম্মান ডিগ্রী লাভে ব্যর্থ হইয়া পাস ডিগ্রী লাভ করিলে তাকে দুই বৎসর মেয়াদী স্নাতকোত্তর ডিগ্রী পাঠ্যক্রমে ভর্তি করা যেতে পারে।

উদ্দেশ্য ও কারণ-সম্বলিত বিবৃতি

বাংলাদেশে ক্রমবর্ধমান উচ্চশিক্ষার চাহিদা পূরণকল্পে বৃহত্তর সিলেট এলাকায় একটি বিশ্ববিদ্যালয় স্থাপনের প্রয়োজনীয়তা দীর্ঘকাল যাবত অনুভূত হইয়া আসিতেছিল। এই প্রয়োজন পূরণার্থে মহামান্য রাষ্ট্রপতি ২৫শে আগস্ট ১৯৮৬ তারিখে সিলেটে শাহজালাল বিজ্ঞান ও প্রযুক্তি বিশ্ববিদ্যালয় নামক একটি অধ্যাদেশ দ্বারা সিলেটে একটি বিশ্ববিদ্যালয় স্থাপন করেন। কিন্তু অধ্যাদেশটি জারী হইবার পর অনুষ্ঠিত জাতীয় সংসদের অধিবেশন শ্রদ্ধকাণীন হওয়ার কারণে অধ্যাদেশটি সংসদে উত্থাপিত হওয়া সত্ত্বেও উহাকে আইনে পরিণত করিবার জন্য প্রয়োজনীয় বিল সংসদে উত্থাপন করা সম্ভব হয় নাই। সংসদে উপস্থাপিত অধ্যাদেশটি উপস্থাপনের তারিখ হইতে ৩০ দিন অতিক্রান্ত হইবার পর ইহার কার্যকরতা লোপ পায়। তাই ভূতাপেক্ষ কার্যকরতার ব্যবস্থা করিয়া সিলেটে শাহজালাল বিজ্ঞান ও প্রযুক্তি বিশ্ববিদ্যালয়টি স্থাপন করিবার উদ্দেশ্যে যথাযথ বিধান সম্বলিত এই বিলটি সংসদে উত্থাপন করা হইল।

মাহবুবুর রহমান

ভারপ্রাপ্ত মন্ত্রী।

কাজী জালাল আহমদ

সচিব।